



江山縣志

ル 5
3135
3



門 5
號 3135
卷 3

江山縣志卷之四

學校志

須江建學南宋後始歷歷可考其間能維持風教者
俎豆之報馨香勿替論秀有額寒素有瞻月有課家
有塾作人雅化雲漢同昭鹿溪鰲峰之區不且彬彬
然追蹤鄒魯矣乎志學校

學宮

附名宦鄉賢忠義節孝祠 學額 學田
書院 義學

聖廟 在縣治東前俯小河沿河為墻後以言者撤之
宋紹興十四年邑令丁昌期闢而新之為門造飛梁

絕河以渡

宏治府志 案汪浩志作邑令丁
昌期魯豈相繼鼎新改門南向

淳熙二年縣尉熊可量修

正德志

宋朱子江山儒學記建安熊君可量為衢之江山尉始至以故事見於先聖先師之廟視其屋皆壞漏弗支而禮殿為尤甚因問其學校之政則廢墜弗修又已數十年矣於是俯仰嘆息退而以告於其長湯君悅請得任其事而一新焉湯君以為然予錢五萬日以是經其始熊君則徧以語邑人之官學者久之乃得錢五十萬遂以今年正月癸丑始事首作大成之殿踰月訖工棟宇崇麗貌象顯嚴位序丹青應圖合禮熊君既以復於其長合羣吏率諸生而釋菜焉則又振其餘財以究厥事列置門戟扁以奎文生徒之舍亦葺其舊於是熊君乃復揖諸生而進之使程其業以相次第官居廩食絃誦以時邑人有識者皆嗟嘆之以為尉本以逐捕盜賊為官苟食焉而不曠其事則亦足矣廟學興廢豈其課之所急哉而熊君乃能及是是其志與才為何如耶熹時適以事過邑聞其言則以語熊君曰吾子之為是役則善矣而子之古之學者為己今之學者為人二者之分實以人

材風俗盛衰之所係而為教者不可以不審焉者也顧余不足以議此子之邑故有儒先曰徐公誠叟者受業程氏之門人學奧行高講道於家弟子自遠而致者常以百數其去今未遠也吾意大山長谷之中隘巷窮簷之下必有獨得其傳而深藏不市者為我訪而問焉則必有以審於此而知其為教之方矣熊君謝曰走則敬聞命矣然此意也其不可使是邑之人無傳焉願卒請文以誌茲役而并刻之熹不得而辭也因悉記其事且書其說如此俾刻焉既以屬熊君且以示其徒又以告凡後之為師弟子而食於此者使知所以自擇云爾案碑記宋成綬續修時校對朱子全集更正故與明倫堂石刻間有異同

嘉定間縣令黃汝嘉增葺

汪浩志

章穎重修儒學記古之教亦詳矣不特國有學也於遂於黨於家親不遺於貴疎不遺於庶朝觀會同無非教也四時讀法則教寓於讀法三年大比則教行於大比其效至於耕者讓畔行者讓路出入有常度斑白者不提挈風俗之美何如哉後世之教及於士而不及於民所以教者又皆記其文而遺其實不耕

而望夫獲也難矣人見其如是也則曰文華之勝而遺士習之蔽人材之盛不在科舉之間其說固美矣而穎未以為然也今之所以為學校者無教也特廩之而已一士之不飽一字之不葺固州縣之責而身之不立名不揚亦嘗有終夜不寐者乎宗族稱孝鄉黨稱弟亦嘗有味古書之言而企及者乎若猶未也則思教之未至也若夫因古之名求古之實縣於民為近宰於官為久江山之邑壯矣而山川之秀美實萃焉縣之有學其來已久關牆為重門者丁昌期也重建大殿者魯嘗也立外門者商侑也新講堂者邵浩也知縣湯悅縣尉熊可量常葺而記之歲久復圯今黃汝嘉又加葺之在學之士合辭以來求記於穎竊謂前後相繼而汲汲於此亦善矣然今學之教非古之教也故道其所以然使為邑者知究其實不徒玩其文知求其心不徒便其身則因學以教不為虛文庶乎不愧於古矣

元初燬於寇至元間達魯花赤馬合馬徙於縣治之

西建文廟講堂簿尉皇泣增建齋廡凡五十一間立

櫺星門開文明池暨作厨廡牆宇畢具

及汪浩志

何夢桂重修儒學記江陽衢壯邑也舊有學在縣治東尤其壯焉昔交公朱子以事抵邑作新學景行堂二記其後久軒蔡先生衣繡使浙又以文公之學召諸生開講席大抵皆所以明聖賢之道以教後學也自是邑之文風大振稱多至矣至元壬午鄉民不靖合邑焦土禮義之地轉為營壘後三年馬合馬來宰是邑慨然嘆學校之廢乃相地於縣治之西得丞廳舊基作大成殿講堂廟門各三間蓋粗備而未完也又三年下邳皇君泣以主簿兼尉佐理斯邑下車首捐已資以幸邑人建兩廊四齋立櫺星門開文明池下至厨廡牆宇煥然一新視舊有加幸邑之子弟進於學而教之不能達於學者又立師而教於鄉皇君為斯文計可謂切至矣明年教諭吳君祿應領學事俯仰儒宮之美恐功久而無傳徵記於予予曰江陽兵燹之餘黃茅白葦極目淒然為斯邑者將爬搔瘠瘠之不暇而暇學校乎哉既而思之天下之事不

期然而不容於不然者惟天理也時無古今地無遠邇亦天理也大而治天下國家小而爲一郡一邑綱常以正民俗所以定大小有經上下有序皆天理之流行也學校者所以明此天理也天理一日不容泯故學校一日不容廢然非邑大夫賢賢相繼扶植者數不及此夫子之宮得諸大夫而益新諸大夫之功得吳君而益明抑又可嘉也然而吳君朔望謁夫子升講席所以惠諸生者要以推尋晦庵久軒之遺毋徒矜耀宮廟之美而已焉則又予之所望也

延祐初馬合謀建禮殿齋廡

天啟志

至正庚寅縣尹宣聖五十三代孫孔淮重修文廟戟

門建講堂兩廡明洪武初知縣程鵬重建永樂初知

縣潘銳闢東偏爲門

天啟志案朱彩汪浩兩志知縣程鵬俱作鵬舉宋成綏續修

時以程鵬舉係萬厯間任本天啟志考正

天順間知縣李景修重新成化八年知縣戴璋重建齋廡戟門牆屋知縣黃窩增創饌堂并號房二十間尋圯二十年知縣何澤重修二十二年知縣王進建外門及宰牲所正德五年知縣趙遷造泮橋十一年知縣劉節重修十四年知縣吳仲建文昌祠於櫺星門西偏嘉靖九年知縣侯祖德建敬一亭二十一年知縣黃綸重修并建東西兩齋又號房二十三間三十九年知縣陳湯敬重修萬厯間知縣易做之開文明池四圍採石作欄建屏牆顏日數仞之牆邑人王

森助貲

汪浩志案趙志臯記易公開池在萬厯八年

明趙志舉江山縣儒學開文明池記嘗讀朱文公景
 行堂記而知江山縣為古多才地矣宋建學於須水
 之陽左漸峯右奇石江郎景星羣嶂屏前有文明
 池為泮水淵涵靈秀代出節義文章道德事功炳著
 史册山川之鍾豈可誣哉遭元亂邑火於兵學宮為
 墟文明池湮網常禮義之俗當此一類矣我國初開
 造草昧文教幸與邑之學校建置如制唯文明池未
 開歲庚辰黃岡易公以侍御史令邑治先教化明禮
 制正風俗定婚喪之式竣士民之閑表忠旌孝訪佚
 才崇往哲嗣替者續之言湮者闡之以風士士之有
 不能娶不能葬者賑之置約設餼而熟校之以振文
 運植士氣為心視學宮地陋於是相地構工若文廟
 若講堂若齋舍若廡若泮宮若櫺星以及門道墉
 垣缺者作之敝者新之陋者拓之仍得文明池故址
 以疏築之廣二畝許環以石欄池南陶土為牆高障
 市舍題曰數仞之牆左右二門曰聖域曰賢關廟貌
 軒嚴規模宏鬱皆前此欲舉而未博董君炫屬余文之
 乃構亭池上樹石以紀其盛學博董君炫屬余文之
 余曰子謂士運在山河其盛學博董君炫屬余文之
 隆則運隆是故先王設學校明禮樂詩書以造士而

使之明天地民物君臣父子長幼兄弟夫婦朋友之
 道是道也不以窮阻不以達行不以治有以亂亡
 不厚於長原巨谷不靳於隘巷窮閭此三代之所以
 稱濟濟多士而景運賴之也世末道微士專竊聞見
 攻佔俾以取祿至問以先王設教之道則笑為迂遠
 不切噫即軒第蔽阡問而上不為社稷重下不為蒼
 生福恐山川蒙耻矣稱隆運耶今公之造士不外國
 家制科然即其表風勵俗之心多在誠心正學術
 培氣節育真才以為天地民物計豈徒峻其門牆新
 其池泮以資士人解祿孤爵之淵藪哉服其道不教
 其道則出以霖海隅砥朝方駕往哲庶不愧先王
 設學之意而邑之山川增氣矣是役也計出學租佐
 以羨帑僅十月而成相其成者縣丞徐君唐主簿李
 君守魁典史鳳君應選教諭董君炫及陞任陳君桂
 芳訓導陳君大紳符君廷柏義士王森也董役者醫
 官王宦義官陳珏者民王必義也
 采俊文明池贊并引鬻校面南有景星山其形類火
 建學初從堪輿家言鑿池以厭之為泮水副今如舊
 贊曰觀乎天文明並日月觀乎人文明見毫末紅牆
 倒景耀靈星洙泗源流分一脈

天啟間署教諭童維坤捐俸規文明池為半壁採石

甃路 汪浩志

六年知縣袁一鼇重修 衢州府志

方應祥江山縣重修儒學碑記天啟五年我侯袁公來尹江山祇拜先師廟目擊廢墜愴然修舉自任輒屬丞尉陳擇吉明年春初伊始又明年春仲告成若大殿若兩廡若明倫堂內外泮池暨鄉賢名宦兩祠奐然一新通計工費金錢二十萬餘第取諸兩載邑俸又念學官前處塗巷湫隘堪輿家多為言之復捐俸二十金買民房闢天門迎文水下不科費元元錙銖上不動公帑分毫役以告成余惟居上而親民者令為最設教而觀民者學為先國家興建學宮及於下邑郡諸髦士育之誨之得人之盛舍皆取諸其中學與行高講道於家子弟自遠而至常以百數江陽往事奕奕乘牒如徐公誠叟者其人固不數數朱考亭本程氏之學於使泐則揭而申之然則江山最爾國而遠與

濂洛關閩之學相終始又匪直徐公之以云爾江山界百粵八閩之衝仰壑遙深岬流洞峙幽貞固其貞淑而紳佩發其精神譽髦斯士忠節事功理學文章之彥無論往事入我皇明俎豆彬彬邦畿千里惟民之所止莫不象上之指從其學之所自樹以要歸於教而非朱考亭蔡久軒倡其教安在哉爾而遠與濂洛關閩相終始即農服先疇士食舊德多粟多賢何以稱於居上設象之體要乎哉今上龍飛之初躬請太學釋奠先師在泮獻囚三事有恪萬國具瞻侯奉宣天子德意嘉與維新經民之紀以為民觀公輔翼贊之器百里新發軔耳騁驥足於王馳奔奏我國家聖神文武之烈光意在斯乎意在斯乎侯諱一鰲江右宜春人縣丞陳正道福建長樂人典史楊廷舉福建永安人儒學教諭謝道坤河南商城人訓導李柱明雲南鶴慶人生員毛文淑蔡應廷王德純鄭德基毛兆慶鄭秉謙王執中徐維翰周維等奉侯之意與有勞績者得備書

崇禎十七年訓導梅友松重修生員鄭德賢助貲明

季兵燹頻仍漸圯

參府志及汪浩志

國朝順治九年教諭龔瑛訓導梅夢熊重修併建學舍
 生員何佐聖徐元法鄭鎔王問臣董其事康熙六年
 知縣萬里侯修兩廡泮宮戟門十八年教諭嚴曾業
 汪珣重建戟門二十年風暴隨圯明倫堂亦圯二十
 一年教諭鍾定訓導沈九如重建櫺星門生員王奇
 孺徐一新董其事二十二年教諭鍾定訓導沈九如
 建習安堂生員沈維烈姜亨肇董其事教諭鍾定獨
 建學舍三間三十四年知縣楊憲教諭朱長吟訓導
 呂際發重修建兩廡戟門易磚牆并建西齋學舍六

間生員蔣際元等十九人董其事三十年教諭朱長
 吟捐俸置先賢先儒神位建正齋學舍三間四十八
 年教諭宋俊捐俸重建禮門并偕訓導呂光祖塑魁
 星於仰聖樓巒牆四周向以草苫風雨飄搖屢修屢
 壞五十一年知縣汪浩始製牆簷覆以瓦戟門櫺星
 門等柵修整一新

汪浩志

乾隆三年知縣宋雲會重修

宋成綬志

鄧鍾岳重整江山縣學記膠水宋君雲會來為江山
 令至縣之明日首謁文廟見夫棟宇牆級規制粗具
 宣聖木主尚奉明倫堂就堂下成禮訖心竊異之詢
 之學博車洪二君知前令雍正間陳廷訓從事重建
 以資罄未克完旋去乃太息曰此大事也烏可以中
 道廢首捐俸八十金徧以告邑士之知義者咸樂輸

助廼仍以佐理委之車君洪君而以貢生毛廷梓生
員鄭爾澆鄭宏桓鄭元鏗監生何如忠等董其役鳩
工庀材刻日賦功既戒既遂百役咸備至越月而事
竣宣聖木主始歸其故尊經有閣崇聖有祠兩廡戟
門以及名宦鄉賢之祀於其邑者莫不首舉輦如翼
如應圖合禮逾於舊觀復於殿前之右創設義館名
須江書院延者碩選士之秀者而肄業焉須江邑舊
號也於是遣使以書來曰爲我記之岳維學之有記
首稱韓柳及南豐曾氏之文矣然韓柳第以文雄天
下南豐文極簡質然其爲宜黃筠州學記則又不過
於先王之治具泛爲鋪張於士人成德達材之旨未
之及也獨朱子常過江山爲建安熊可量作記反覆
於爲已爲人爲人材風俗盛衰厚薄之所係且告以
邑故有徐公誠叟常受業於程氏之門人今必有獨
得其傳而深藏不市者嗚呼朱子教人之意可謂切
矣今國家尊崇儒術首重學校於學校之外復有
書院所以造就士子非不備具然上以實求之下以
名應之爲學校者搢搢焉惟科舉之學是亟而書院
之長亦第課以佔嗶章句得一科獲雋數人卽爲無
負厥職而止夫江山昔稱人才所聚其縣學之側有

五先生祠名景行堂朱子常爲作記謂百里之間而
諸賢之風節行義可以風勵當世如此豈果古今人
不相及歟將爲之長者未之勸導而下不知所趨向
故也邑故當浙閩之交山高水深去朱子所生地不
遠既幸有朱子爲之作記復有五先生與徐公誠叟
者後先增美其風流餘韻之所鍾較他邦爲獨盛意
必有明體達用之儒隱伏於大山長谷之間發明朱
子之學淑世而明道者宋君盍亦歸而求之余因塞
其請而畧爲叙
其大意如此

二十八年知縣雷士佺重修禮殿兩廡櫺星門義路

禮門宮牆文明池三十年知縣楊椿告竣

宋成
綏志

錢維城江山縣重修儒學記天下事其適然而得之
者非其所必得者也非其所必得則其得之也易而
其視之也輕已以爲不甚愛惜而忽之人亦以爲不
足貴重而忽之則雖以至美之物而惜其所以爲美
故曰物以罕而見珍事以難能而可貴也
朝廷設學校以養天下之士優其禮貌厚其廩餼懸爵

祿以招之開科目以進之其所以待士者重矣故四
 民之中士最貴然而窮鄉僻壤目不見古人之書耳
 不聞聖賢之學朝釋耒耜暮操管而求之質質然爭
 勝於數十百人之中此數十百人者皆此類也於是
 則亦得之矣回視不得而操耒耜者猶吾類也於是
 士無以表異於民而民亦不以士故異之由其求之
 者無道而得之太易易也夫人才不甚相遠其循循
 而日上也其漸其循循而日下也亦有其漸彼見
 如是而能得則必求其如是矣必如是而猶不得則
 必求更進於是矣此其所以日上也彼見如是而已
 得則僅為其如是矣即不如是而亦可得則不必務
 及於是矣此其所以日下也衢州凡五縣江山界閩
 省稱劇邑其應童子試者千餘人多能文者故稱文
 士之盛在衢必首江山而弟子員額獨少乃不得比
 龍游前學使晉甯李公以爲言欲割龍邑之額以益
 之事下覆議時撫軍南昌熊公及余上言人文多少
 盛衰不可定設他日各有進退勢且紛更不如仍舊
 乃寢及余歲試江山諸生猶以爲言余曰諸生知江
 山人文之所以求勝也苟增額如他邑則亦將循循日
 人爭自奮以求勝也苟增額如他邑則亦將循循日

下如他邑矣昔孔子之論仁曰我欲仁斯仁至矣是
 天下莫易於求仁也其告樊遲曰仁者先難而後獲
 何難易之不同歟言其易所以誘凡民也言其難所
 以勉賢者也學問然即科目何獨不然語初學以難
 則畏而廢學矣語成材以易則玩而廢學矣安於易
 者不可驟進以難習爲難者不可驟更以易難易之
 權教者之所得所以鼓舞群材也且江山應童子試者千
 餘人其得補弟子員者纔十六人是以百人而得一人
 也科舉之數每八人而得一人而得舉者一人是百不
 也諸生不爭其易而所謂難者有未盡耶旣以告諸生
 謂易者未必易其所易而所謂難者有未盡耶旣以告諸生
 越明年邑將修學宮自雍正十年修葺以來三十餘
 年矣邑令及司教偕紳士協力而新之糜白金四十餘
 餘者雷士佺楊椿也司教書之願諸生勉爲其難者邑
 令書董其事者進士毛大鳳舉人毛鏞周尚親貢生
 編書董其事者進士毛大鳳舉人毛鏞周尚親貢生
 毛文鏞徐邦瑯徐文鏞王錫瓊陸上眷姜有周王名
 鍵王慎鄭清生員何元方鄭廷樞林滋蕊周天爵周
 祝王永熙何夢我毛鳳翹徐錫壽王震毛一豐鄭文
 烈監生周世元王鳳來劉廷佐劉永浩毛士鏗鄭錫

王名銑也

三十五年知縣宋成綏因禮殿滲漏重加修整三十

七年宮牆外增建龍門石坊 宋成綏志

五十六年教諭應芝暉訓導蔡英生員毛鳳翹鄭文

烈武舉林天潮職員陸振琪貢生何肇瑄監生毛錫

浩等於城鄉捐資重修禮殿五十七年重建學署頭

門舊名仰聖樓今即門樓為文昌閣五十九年修兩

廡嘉慶二年重築宮牆三年重修明倫堂資則眾廩

生分任勸捐董理則毛錫浩任勞獨多四年用石砌

圍牆內甬道各路自戟門外至龍門內止並修豎文

明池四旁石欄五年重修泮橋 蔡英東軒遺集

道光十一年知縣李增福教諭湯春訓導金鳳翥重

修并改造明倫堂約費銀五千兩有奇東西兩廡則

優貢鄭日耀獨任武舉毛國慶捐學宮東偏地數弓

移學門於東董其事者舉人毛時雲鄭調元王景星

等二十八人

何凌漢江山縣修學記

國家建太學於京師外薄四海以至荒州僻縣皆立學

其有奉宣朝廷德意以振起一方之文教者則存乎其人議者謂

自宋元以來有司崇祀孔子於學故廟與學合而課

士之法止於科舉之文非如古者庠序學校皆土所

萃處而師保諸職朝夕教之以六德六行六藝也故

人材成就為難予謂不然蓋聖人之道未嘗一日不

明於天下揚墨之害孟子闢之功利之說董子絀之佛老之禍韓子排之漢儒詳其典章宋儒明其義理學者誠欲為聖人之徒求之於載籍不難矣士生今日特患志不立耳志不立雖行三代之教無益也志苟立即循近代之教非無得也今試與學者入宮牆瞻遺像俎豆莘莘威儀抑抑有不肅然起敬願為聖賢者乎故崇飾黃宮虔恭祭祀將有以聳動其耳目致一其心思而勸之以立志也豈直為觀美已哉江山有學未知創於何時宋淳熙三年丙申縣尉熊可量修之朱子為記其後屢有興修具載邑乘自乾隆三十五年重葺迄今六十餘年屋材朽蠹邑令李君增福儒學湯君春金君鳳翥錢君瑜捐俸倡修士大夫捐輸惟恐後以道光十一年三月六日興築九閱月而成用銀五千兩有奇凡學宮內外罔不完美於是邑士借來求記余謂前賢之記備矣復何言哉無已請舉朱子之記申言之夫魯論之語可以終身用之而不窮而朱子記中獨取於古之學者為已今之學者為人蓋將期學者以辨志也志誠為已非獨入孝出弟信言謹行皆反求諸已即民胞物與心存利濟亦藐躬性分中事如范希文為秀才時以天下為

任憂樂何莫非為已也不然割股廬墓以為孝傲車贏馬以為廉而其實非出於至性祇以供欺世求名之具豈必如微生高掠美市恩而後謂之為人哉故為學必自辨志始予以試士至衢未暇孰視諸生行誼也然以文藝論之苟其探本窮源好學博聞以求闡發聖賢之理而得失聽之於命此為已者也苟徒揣摩時好剽竊陳言務為速化之術以希弋獲科名此為入者也惟因朱子之言以自勉而辨之必早庶不負

國家立學之本意與夫良有司之所以振興文教也哉

咸豐八年燬於兵燹同治三年知縣沈起鶚教諭戴匡訓導劉大封重修自禮殿以下至文明池俱已修築挑濬復改造崇聖祠於明倫堂前共費錢五千三百緡有奇惟兩廡門榻碑亭與一切丹雘之功未及焉董其事者邑紳何星源姜振麟周以愷王開壽王

振鏞徐升鰲鄭採裘何錫霖王宗杰鄭鶴年毛華年
毛以雅王廷柱何棻王榮椿共十六人七年知縣陶
鴻勳撥善後捐款一千二百緡有奇移儒學許汝璜
陶謨會同紳士姜桂芬王開泰姜振麟周以愷毛以
雅董辦竣事

王彬重修江山縣學記邑之有學宮舊矣所以崇師
表肅對越而明教化也余視江篆之明年議修邑乘
薦紳告余曰咸豐戊午粵寇至邑之廟宇焚毀殆盡
附於學宮之崇聖祠尊經閣學署諸處俱遭毀焉惟
大成殿僅存而兵燹之餘傾圮殊甚前邑侯沈君起
鵬目擊其間慨然曰是余責也遂與教諭戴君匡訓
導劉君大封議其事一時城鄉向義者聞風集資將
禮殿以下暨文明池淤者濬之圯者葺之復移造崇
聖祠於明倫堂前未幾規模稍復舊時同治甲子歲
事也厥後歲戊辰邑侯陶君鴻勳視工未竣撥款移

學官復將兩廡門楹碑亭及尙未丹雘者由教諭許
君汝璜訓導陶君謨躬率諸紳次第整飾輪奐一新
以限於資故先其所急餘工未克如舊觀也乞余爲
序先誌其緣起余維謫陋不能辭因念江邑人文於
三衢爲盛知其師承有自幸教無荒抑亦舊矣後之
食舊德而負斯文者能將待舉工程及時畢舉弗讓
美於前人則學校之地煥然彌新風氣蒸蒸日上不
且與三雍

國學同濡
聖化於無疆也哉爰誌其言如此
釋奠禮儀

宋大中祥符間定州縣釋奠禮器紹興中始定儀注
元制春秋二仲釋奠歲以爲常明洪武十五年頒釋
奠儀

國朝順治元年定每歲春秋仲月上丁釋奠

祝文

維

先師德隆千古道冠百王揭日月以常行自生民所未有
屬文教昌明之會正禮和樂節之時辟雍鐘鼓咸格
薦於馨香泮水膠庠益致嚴於籩豆茲當春秋仲祇
奉彝章肅展微忱聿將祀典以復聖顏子宗聖曾子
述聖子思亞聖孟子配尚饗

釋奠樂章

迎神 麾生舉麾唱樂奏咸平之章遂擊
祝作樂每歌一句擊鼓三聲無舞

大哉 太南工至尺林聖上道四德上尊尺崇上維工持尺

王 上仲化四太尺林民上仲是合黃宗四太典合祀四有上仲常尺

精 工南純尺林並四太隆上仲神六其工南來尺格上於尺昭上

聖 合黃容四太櫟麾生偃麾

初獻 麾生舉麾唱樂奏甯平之章
祝作樂舞生按節而舞

自 四太生上仲民尺林來上仲誰四底合黃其上盛四惟工南師尺

神 上仲明四太度合黃越上仲前上仲聖四粢上仲帛四具上仲成尺

禮 合黃容四太斯尺稱上仲黍四稷工南非六馨尺維上南神尺

之 上仲聽四太

亞獻 麾生舉麾唱樂奏安平之章
祝作樂舞生按節而舞

大哉 太南工至尺林聖上道四德上尊尺崇上維工持尺

以仲尺林崇尺仲尺林時上仲尺林祀四太尺林無尺仲尺林敦上仲尺林清工南尺林酤六黃尺林惟上仲尺林馨上仲尺林

嘉尺林牲上仲尺林孔合黃尺林碩四太尺林薦四太尺林羞工南尺林神六黃尺林明尺林庶工南尺林幾尺林

昭上仲尺林格四太尺林

終獻尺林擊上仲尺林塵生舉塵唱樂奏景平之章作樂舞生按節而舞

百上仲尺林王工南尺林宗尺林師上仲尺林生尺林民上仲尺林物四太尺林軌合黃尺林瞻六黃尺林之工南尺林

洋尺林洋上仲尺林神尺林其上仲尺林甯四太尺林止合黃尺林酌四太尺林彼合黃尺林金尺林罍上仲尺林

惟上南尺林清尺林且四太尺林旨上仲尺林登上仲尺林獻四太尺林惟尺林三上仲尺林於六黃尺林嘻工南尺林

成尺林禮上仲尺林

徹饌尺林擊塵生舉塵唱樂奏威平之章祝作樂舞生直執其籥無舞

儀上仲尺林象四太尺林在上仲尺林前尺林豆四太尺林籩上仲尺林在合黃尺林列四太尺林以四太尺林享工南尺林

以尺林薦上仲尺林既上仲尺林芬尺林既四太尺林潔上仲尺林禮合黃尺林成四太尺林樂上仲尺林備四太尺林

人工南尺林和尺林神上仲尺林悅四太尺林祭合黃尺林則四太尺林受上仲尺林福尺林率合黃尺林遵工南尺林

無尺林越上仲尺林

送神尺林之章塵生舉塵唱樂奏威平擊祝作樂無舞

有四太尺林嚴工南尺林學尺林宮上仲尺林四合黃尺林方四太尺林來上仲尺林崇四太尺林恪六黃尺林恭工南尺林

祀尺林事上仲尺林威工南尺林儀尺林離上仲尺林離四太尺林歆上仲尺林茲尺林惟工南尺林馨尺林

神上仲尺林馭四太尺林還尺林復上仲尺林明六黃尺林禋工南尺林斯尺林畢上仲尺林咸工南尺林膺尺林

百上仲尺林福四太尺林

望燎尺林祝塵生舉塵唱樂奏威平作樂無舞與送神同

釋奠舞譜

工南尺林

學校 學宮

亞	垂	身	兩	揖	朝	耳	籥	向	而	東	兩	自
手	向	班	斯	上	邊	聖	明	西	上	西	兩	稍
舞	裡	上	向	籥	面	回	合	相	東	兩	兩	開
之	東	籥	身	向	外	首	舉	向	相	相	相	前
朝	西	下	退	外	高	再	三	師	向	對	對	向
上	相	俱	挽	手	手	謙	度	稍	稍	底	底	外
聽	向	雙	朝	舉	復	而	稍	翟	翟	朝	朝	生
籥	馨	馨	上	稱	起	向	手	舉	舉	上	上	開
而	相	起	稱	正	身	側	舞	神	神	手	手	籥
受	向	合	立	立	挽	身	外	中	中	其	其	舞
之	立	手	惟	身	手	上	越	班	班	正	正	理
三	外	左	左	黍	禮	兩	垂	十	十	盛	盛	民
鼓	開	右	右	稍	兩	兩	手	二	二	起	起	合
畢	籥	側	側	前	俱	俱	向	人	人	平	平	手
起	垂	身	身	稷	東	東	而	東	東	身	身	蹲
拱	手	垂	垂	朝	西	西	稍	西	西	立	立	來
手	舞	手	手	正	對	對	舞	身	身	出	出	起
非	上	上	上	非	交	交	進	相	相	惟	惟	身
右	手	手	手	右	籥	籥	步	向	向	兩	兩	向
垂	手	手	手	垂	兩	兩	雙	立	立	對	對	外
手	舞	舞	舞	手	手	手	手	手	手	自	自	誰

大	正	自	相	轉	相	祀	清	側	班	拱	一	卽	三	格
左	天	下	舉	身	身	向	稍	身	俱	籥	鼓	起	鼓	而
右	身	而	籥	東	西	裏	前	垂	垂	受	而	而	平	受
進	起	上	東	西	垂	無	舞	左	手	之	起	而	身	之
步	身	兩	西	崇	無	前	向	右	外	薦	而	身	身	身
向	外	班	西	下	合	垂	醜	手	手	一	而	身	身	身
哉	轉	樂	樂	以	手	手	向	兩	舞	叩	而	身	身	身
右	向	二	二	翟	進	合	惟	班	舞	頭	而	身	身	身
向	裡	人	人	雙	步	籥	雙	上	舞	舉	而	身	身	身
聖	德	俱	俱	手	向	執	手	垂	舞	左	而	身	身	身
向	合	垂	垂	手	敦	籥	平	手	舞	手	而	身	身	身
外	手	手	手	惟	回	西	執	舞	舞	復	而	身	身	身
落	手	兩	兩	兩	身	相	籥	舞	舞	舉	而	身	身	身
籥	上	中	中	中	再	再	馨	舞	舞	頭	而	身	身	身
上	進	班	班	班	相	相	上	舞	舞	右	而	身	身	身
師	步	舞	舞	舞	向	向	合	舞	舞	明	而	身	身	身
退	前	上	上	上	兩	兩	籥	舞	舞	鼓	而	身	身	身
向	作	下	下	下	班	班	立	舞	舞	拜	而	身	身	身
正	相	十	十	十	上	上	立	舞	舞	一	而	身	身	身
實	對	以	以	以	下	下	嘉	舞	舞	一	而	身	身	身

三獻

百向外開王向裏開宗側身向外師朝上生兩班上
 相對合手朝物側身向軌合籥朝瞻向外開之向裏
 交籥上正籥上正籥上正籥上正籥上正籥上正籥上正籥上正
 舞開籥洋開籥朝神向外開其向裏開甯前進步
 合止回首東西酌向外開彼向裏開金開籥朝疊合
 籥上惟向外垂清向裏垂且朝上旨躬身而登躬身
 正立惟手舞惟手舞且朝上旨躬身而登躬身
 舞合籥獻躬身向惟躬身復三合籥朝上拜於側
 手舞垂側身向裏成朝上禮躬身朝南而受之身
 崇聖祠案明嘉靖九年始立啟聖祠國朝雍正元年
 嘉靖二十一年知縣黃綸增建天啟三年教諭張大

基捐俸重修

國朝康熙二十二年知縣佟國琪教諭鍾定訓導沈九

如重建於明倫堂東四十年知縣朱彩重建汪浩志

乾隆三年知縣朱雲會重修二十八年知縣雷士任

重修宋成綏志

同治三年知縣沈起鶚教諭戴匡訓導劉大封改建

在明倫堂前案祠本建於明倫堂東現在廢址在明倫堂後其移建之由失考

祝文

雜

王奕葉鍾祥光開聖緒盛德之後積久彌昌凡聖教所

覃敷幸循源而溯本宜肅明禮之典用申守土之忱
茲屆仲春秋聿修祀事配以先賢顏氏先賢曾氏先
賢孔氏先賢孟氏尙饗

名宦祠 明萬厯間知縣易做之建

國朝康熙六年耆民鄭文綱捐建 汪浩志

嘉慶四年貢生鄭醕重修道光十一年優貢鄭日曜
重修

祀宋江山縣令趙師旦縣尉熊可量元司教柳貫明
縣令趙遷余一龍邵仲祿薛夢雷易做之蔣光彥方
名司教王晏林玘翁興賢司訓李春科
國朝浙江巡撫范承謨朱昌祚衢州府理刑李焯浙江
總督李之芳浙江提督塞白理福浙總督王蔭總督
浙江巡撫李衛浙江巡撫徐元夢 以上仍舊志

嘉慶十五年知縣吳觀樂按照名宦列傳請祀宋知
衢州府陳垣孫子秀江山縣令成無玷吳叔沅江山
丞鄭極元達魯花赤馬合謀縣尹孔淮明總制衢州
王愷衢州知府張文達布政司參議盧廷佐衢州同
知鄧瓌指揮同知江永管軍同知武德衢州通判譚
讓江山縣令張嵩陳仲進何澤王進劉松潘選吳仲
徐萬璧侯祖德黃綸堵維垣程鵬舉張鳳翼司教蕭
璋翁楨李寬蔡應陽胡穩司訓何遠董炫江山丞吳
通賀逢堯郭維賢主簿許節
國朝知縣褚士傑楊憲汪浩宋雲會雷士佺二十一年
以訓導蔡英
請附入祠

鄉賢祠 明萬厯間知縣易做之建

國朝康熙三十一年重建生員王奇孺徐一新董其事

乾隆元年貢生陸遜捐貲重修 汪浩志

嘉慶四年陸遜之孫職員振淇重修道光十一年遜

會孫職員榮址重修同治三年遜元孫職員廷璣等

捐貲修整

祀唐忠義祝奢宋校書郎周頴宣教郎徐揆先儒徐存左庶子徐復殷殿中侍御史毛注朝請郎毛卓寶章閣待制柴中行太學生蔣傳太學徐應鑣殿中丞祝常明鴻臚寺卿周文興王府長史周積職方郎中胡誠雲南按察司副使鄭騶高郵訓導趙夔河間府知府姜瓚刑部尚書毛愷廣東左布政使徐霈平陽府知府姜德政僉都御史趙鏗涪川縣知縣柴薦禋靖江王府左長史楊魁以上仍舊志
嘉慶十五年以明太學生朱夏通涓縣知縣姜繼成國朝邑庠生朱秀孺請附入祠

忠義節孝祠 忠義祠在學宮內右偏節孝祠在學宮

外右偏

國朝雍正二年知縣汪準奉文建

浙江通志 案忠義祠後改名忠孝祠節

孝祠後改名貞節祠

乾隆二十七年邑人重建節孝祠

宋成綏志

何平重建節孝祠記吾邑節婦祠向附學宮傍西偏屋宇三楹自雍正迄今年久頽壞春秋幾難成禮邑侯雷公下車伊始即令各節婦後嗣謀所以更新之平以祖母徐邀旌表時有王丈鳳來劉君廷佐王君金龍毛君士鉉周君天恩楊君名時及平七人董其事而凡有先人在祠者亦各欣然樂從共釀金仍舊基擴充前臨縣河後倚學宮南抵城隍廟及驛署舊基北聯書院門路內造寢堂安奉神位前為承祭官更衣所周環以牆牆外有屋以居守祠者庶仰承聖朝之德意云
外有捐助田租附後
宋文通助石門田租十二石五斗 毛萬程助張村田租三石一斗 周會川助徐田租錢一千六百文 陸鴻焯助和陸田租一石一斗 周潤華助租三石 會眾新置下源口湖裡田租二石

嘉慶五年教諭應芝暉訓導蔡英學宮董事毛錫浩

等重建忠孝祠於涵香書院舊基內仍在學宮右偏
道光二十八年邑人重修咸豐八年毀

儒學土地祠 舊在教諭署左乾隆五十六年教諭應

芝暉訓導蔡英遷建於明倫堂前左偏咸豐十一年

毀

明倫堂 明嘉靖二十一年知縣黃綸建三十九年知

縣陳湯敬修隆慶初知縣余一龍重建

國朝康熙六年知縣萬里侯重建二十六年知縣佟國

琪教諭鍾定重建道光十一年知縣李增福重修堂

左為土地祠祀昌黎伯

景行堂 宋淳熙十二年知縣邵浩建衢州府志 在江山

縣學宋時建舊名三賢堂以祀邑人周穎徐揆徐存

後知縣邵浩又益以毛注毛卓更其名曰景行明統

明宏治八年知縣王奎重建衢州府志 案

宋朱子景行堂記江山縣學故有三賢堂以祀正介先生周君穎贈宣教郎徐君揆逸平先生徐君存而
今知縣事金華邵侯浩又益以故諫議大夫毛公注
贈朝請郎毛公卓且更其扁曰景行之堂而狀其事
且為書來告曰願有記也熹考其狀既知五君子之
學行氣節真足以風勵當世而興起後來讀其書又
嘆邵侯所以教於人者之備而待其人者之遠也蓋
正介之行信於鄉而聞於朝其立言垂訓褒善貶惡
又皆足以為後世法雖其事業不得見於當年然其
所立不但為一鄉之善士而已也諫議遭時遇主奮
不顧身排擊巨姦奪其政柄當是時天下庶幾望至
治焉不幸不究其用而廢絀以死有志之士至今恨

之然不特爲公恨也至於叔纘罵賊不屈以明官守之義宅卿捐軀敵營以紓君父之急其事尤難其節尤偉而逸平受業程氏之門人得諸心成諸行又能推其說以教人儀型音旨之傳於今猶未遠也夫以區區百里之間而其先賢之學行氣節可以風勵當世而興起後來者如此可謂盛矣昔人之祠之也其意豈不美哉然得其三而遺其二又限其目而不使後人復有勉慕企及之思也是則識者猶或病之邵侯於此乃能增益而葺新之且易其名以致其俛焉孳孳之意而撤其限以示若有待於來者是不亦教人之備而待人之遠乎嗚呼是亦可書也抑熹又嘗竊有說焉蓋士有學有德而後其言行有可觀有行有言而後其節義有可貴此士君子立身行道次第始卒之常而不可易者也然人之所稟不同而其所遭亦異故得於身者或無以驗其事成於終者或無以考其初此論世尚友者所以每恨成德之難而欲擇其所從者又不免有多歧之惑也然則登是堂而有志夫五君子之事者又不可不知所務之先後而循序以求之哉邵侯讀大學之書而有感於絜矩之一言其平居論天下事而有所不平未嘗不慨然發憤

而抵掌太息也然則其於五君子者固已非苟知之而亦庶幾得其所以求之之序矣其爲此舉夫豈偶然而已哉因爲之識其本末而并記此意以視其學者云

尊經閣 乾隆三年知縣宋雲會建舊址無考道光二

十八年知縣李玉典改建於學宮後西偏咸豐八年

毀圯過半同治十一年崇賢會董事提撥會產並各

助資重修

射圃 在學宮右明初縣丞劉有恒建宏治八年知縣

王奎建射圃亭

汪浩志案射圃亭今廢

學額

宋制州縣學弟子無定員明洪武初縣學生員二十八

廩生二十人二十年令增廣生員不拘額宣德三年
令定額如廩數正統十二年選俊秀待補增廣名曰
附學無常額萬厯三年始令提學官考試每次取入
附學視縣大小有差衢州府志

國朝定制江南浙江府學二十五人大州縣視府其次
州縣大學二十人中學十有六人小學十有二人江
山俱如中縣之額參會典及郭衛民條陳興革詳文

順治十四年學道谷因兵燹後人文寥落以常開為
中縣置江山於下縣之額自後每試錄科應試生員
不過十餘人儒童入學僅七人郭衛民條陳詳文

雍正二年題准江山縣改為中學取進十六名學政全書
同治四年捐輸案内題准加廣永遠文武學額各二
名

同治十年題准以正作捐案内加廣永遠文武學額
各二名

附錄請廣學額奏摺詳文
署江山縣知縣戴枚為核議通詳事同治六年三
月二十八日奉本府札開本年二月十五日奉新
任督憲吳批發卑縣撥貢鄭贊元等呈稱江邑地
方自咸豐八年賊匪竄擾城池失陷盤踞三月十
年十二月暨十一年三入兩月賊又迭至城陷三
次雖元年是年賊踞各鄉未嘗入城而蹂躪數月民困
流離幸是年錢糧特恩蠲免所以當時因需餉
孔殷奉示徵收十一年錢糧殘黎于萬分拮据中
竭力奉公生等伏思所完者係十一年未完銀兩

並非已完之賦先蠲後征但既在蠲免期內即征
 佐軍餉亦應准其流抵或可詳請加額俾沾實惠
 為此公叩伏乞俯賜照案核辦應否流抵抑作軍
 餉加廣學額出自恩裁等情奉批查核府批係由
 藩司出示飭征為軍餉孔急起見並非灾前預完
 照例流抵者可比所請加廣學額之處事屬可行
 仰衢州府札催江山縣速議通詳核辦等因又先
 於二月十七日奉本府札開據該拔貢鄭贊元等
 以前情具呈到府卷查咸豐十一年錢糧前奉蘇
 代藩憲示諭徵收以佐軍餉並無流抵字樣所請
 斷難准行至請廣學額一節當時雖無請獎明文
 而花戶錢糧既已急公完納節當時雖無請獎文
 詳奏札飭查明妥議詳候察辦等因各下縣奉此
 遵即卷查卑縣十一年錢糧當時未奉蠲免明文
 是以前縣令崔照常征解至元年六月崔令卸事
 前卑縣沈令到任按征是奉蘇前代憲頒示曉諭
 以同治元年各戶錢糧現蒙特恩普蠲查閱撫
 憲左原奏內稱受害較輕地方咸豐十一年舊糧
 不能援照蠲免係屬早應完納之款今新賦已荷
 恩免民力寬舒其十一年未完正課自應趕緊輸

納以佐餉需等因當經沈前令遵奉征收所征銀
 兩悉數批解軍餉并稟准抵給元年祭俸役食驛
 站等款迨二三年新舊並征勢難兼顧以致民
 欠尚多卑職自四月到任後奉蔣升憲札催
 交付單內指明該縣十一月到任後奉蔣升憲
 奏案錢糧在蠲免期內毋庸交代所有沈令經手
 該年銀米當時需餉孔殷由蘇交代藩司頒示飭
 解濟應歸入軍需造報等因卑職於是年民欠銀
 米本未催徵隨即遵札停止一面將沈令據該貢
 給各欸開摺會稟在案上年十二月內據該拔貢
 鄭贊元等來縣呈請即經查明晰批示去後茲奉
 因覆查卑縣十一年錢糧崔沈二令任內共徵地
 漕正耗銀二萬二千九百八兩五錢六分三厘南
 米一千三百四十七石九斗五升九厘合照章銀
 三千五百九十二兩九錢五分七厘總共計銀二
 萬六千五百一十二兩九錢五分七厘歸於
 軍需案內造報雖顯係國家惟正之供與捐輸
 有別但既在蠲免期內因當時未奉明文且餉
 需緊急遵示征收隨後民欠停止其未完者得沾
 愷澤而已完者實昭急公况當塵氛未靖民間於

拮据困迫之中猶能不遺餘力踴躍完糧俾軍餉藉以接濟洵屬情殷報効無異捐輸查咸豐三年奏定捐輸廣額章程內開一州一縣捐銀至一萬兩者准加文武學額各一名捐銀二千兩者准廣一次文武學額各一名等語所有卑縣十一年征完地漕南米共銀二萬六千五百一兩五錢二分可否以正作捐援照捐輸廣額之案除零不計外額懇恩憲俯賜以二萬兩請加永遠文武學額各二名以六千兩請廣一次文武學額各三名以資鼓勵而惠士林理合遵批核議通詳并開清摺呈送察核

陞任閩浙總督浙江巡撫臣馬新貽謹奏為江山縣征解咸豐十一年錢糧以正作捐懇恩加廣學額以昭激勸恭摺仰祈

聖鑒事切衢州屬之江山縣城於咸豐十年十二月暨十一年三月迭次被賊竄陷旋於四月間克復其十一年分錢糧先未奉文蠲免是以該前故縣崔棻暨前署縣沈起鶚在任均經照常征解而該縣糧戶亦皆踴躍輸將以濟防勦各軍糧餉嗣據該縣紳民以是年錢糧奉

旨蠲免在後請作捐輸軍餉加廣學額呈經前督臣吳棠飭府催縣議詳核辦在案茲據該署縣戴枚查明共征收十一年地漕正耗銀二萬二千九百兩零又南米一千三百四十七碩零照章合銀三千五百九十二兩共計銀二萬六千五百一兩零均已解給清楚併歸軍需案內分別造報有案詳請以正作捐加廣永遠文武學額各二名並廣文武一次學額各三名等情經臣據藩司楊昌濬覆查無異詳請具奏前來臣查江山縣城於咸豐十一年四月克復其當年錢糧係在蠲免之例該縣糧戶於未奉蠲免之前慘遭蹂躪之際踴躍輸將俾濟軍餉洵屬急公上前情實堪嘉此項銀兩業已彙入第一起軍需開單報銷之內本應流抵次年新賦而同治元年錢糧又蒙

恩旨蠲免故未流抵據請以正作捐加廣學額亦於中鴻慈俯准照章加廣學額以昭激勸如蒙

俞允容臣將應廣文武學額名數另行咨明立案除咨戶禮兵三部查照外謹會同兼署閩浙總督臣英桂浙江學政臣徐樹銘恭摺具

學額

奏伏乞
聖鑒訓示謹
奏

戶部查同治七年三月間陞任浙江巡撫馬新貽
奏江山縣徵解咸豐十一年錢糧以正作捐請廣
學額一摺奉

旨交部核議當經臣部議以此項完納之款並非應徵
之數實與捐助軍餉無異自應准其加廣學額應
令現任浙江巡撫即由臣部會同禮兵二部奏懇
恩施至該省軍需造報之案均係將各屬征解銀米籠
統造報應令該撫於咨報文武學額名數時附案
分晰咨報其咸豐十一年同治元年該江山縣兩
次欽奉蠲免錢糧

恩旨 咨部以憑核辦等因於同治七年四月十九日奏
恩旨 咨部以憑核辦等因於同治七年四月十九日奏
恩旨 咨部以憑核辦等因於同治七年四月十九日奏

諭旨 依議欽此欽遵行知在案茲據署浙江巡撫楊昌
濬來咨按照臣部指查之款逐一登覆核與以正
作捐之數相符自應准其加廣學額名數請仍照

舊章一節查臣部前於學臣張之洞御史范熙溥
先後條陳廣額案內會同禮兵二部核議奏准加
廣中額仍照咸豐四年所定銀數核給毋庸改議
其請加學額名數應照舊章酌加一倍凡一州一
縣捐銀至四兩者准其酌加一文武定額各一名自奉
捐銀二萬兩者准其酌加一文武定額各一名自奉
旨之日為始遵照新章辦理其此次奏改章程以前到
部各案仍案舊章辦理於同治七年九月二十七
日具奏奉

旨依 議欽此通行遵照在案今該江山縣請廣學額之
案於同治七年三月到部係在改章以前應仍請
照舊章以銀二萬兩加該學額永遠定額各二名以
銀六兩即作為盈毋庸歸入下次捐案併計至加
餘兩無浮於原額及於何年取進之處禮部查新
任浙江巡撫馬新貽奏請於該縣文武學額等因既
一年錢糧以正作捐請加該縣文武學額等因既
據戶部查明此案到部在改章以前請仍照舊章
核計銀數加永遠定額二名廣一次額三名臣部
覆查無異亦無浮於原額應請准其加永遠文學

定額二名廣一次文學額三名所加學額即自下
 屆辛未歲試為始按數取進兵部查浙江江山縣
 武額原額八名今據浙江巡撫楊昌濬咨稱部查
 之款核與作捐之數相符加廣學額仍照舊章辦
 理以銀二萬兩加該縣武學定額二名以銀六千
 兩加一次武學額三名等語既據核照銀數與舊
 章相符自應准其加永遠定額二名廣一次學額
 三名其所加學額並無浮於原額即自本屆歲試
 為始如歲試業已舉行應下屆歲試取進所有臣
 等會核具奏緣由理合 恭摺具陳伏乞
 聖鑒 謹 奏

學田

每年賦役徵輸解司轉解 學院賑給貧生膏火之用

元延祐初馬合謀置田歲收米十六石

汪浩志

至元三十一年教諭柴一桂查理學田歲得米八十

五石以給祀膳

衢州府志

至正六年達魯花赤朶只速來蠻教諭劉奎縣尹詹

道愈清理學田邑人鄭明等歸田四十五畝

蔡英東軒集至

正作正元今據魯貞記更正

明隆慶五年知縣邵仲祿置學田二頃二十四畝四

分七厘六毫塘三分九厘五毫每歲收租穀一百八

十三石八斗

國朝康熙四十八年現存學田五頃七畝三分地四十

九畝七分山一十九畝塘四畝六分每年共收租穀

一百八十石折銀三十二兩四錢一分

衢州府志

康熙五十五年蔣興渭十岱田九十一畝地界高阜

歷年爭水因捐入學宮五十九年邑庠生鄭襄毛穎
夏天錫等呈縣經署令孔毓璣確查冊荒積歉詳報

豁除糧稅宋成綏志

元魯貞江山縣修學復田碑記京師下至州縣莫不
有學學有生徒徒有廩膳而又表章程朱之學以
為教於天下則其養與教豈不超乎唐宋而追踪三
代歟江山為縣在衢上游學在縣之西舊有田若干
為豪民據者十之二所入微而養士之資有所不給
至正六年春監縣梁只侯來視學事怪生徒之不習
也教諭劉奎進曰田奪於豪民故無以為養也侯於
是召鄭明等而語之俾復其田未幾詹侯來尹茲邑
遂立追之於是鄭明周子顏等歸田四十五畝魚塘
蔬圃不與是數而學之廩遂豐明年郡人周攜新主
學事請之詹侯乃即啟之邑長速來蠻而委之邑士
鄭文明周德厘幸邑之士民出餼供役於是朽益新
缺更全講誦之室庖湏之所凡學之具各有所葺理
乃命教諭招集羣士森然來萃廩之以所復之租優

然而足而士始得其養矣遂明先王之道以教之今
年春貞遊江山見其諸山雄壯怪石特起疑其有卓
然特立之士讀朱子所謂深藏不市者豈至於今未
偶然也又疑朱子之所謂深藏不市者豈至於今未
之見耶然今不異古安見不於朱子之時而生於
今日焉邑之羣士既得所養則相與服侯之教益勵
於學而山石蘊蓄之氣將必有所泄矣豈非大道明
教化行人才由是而出歟然則詹侯之功不可忘也
明曾可東江山縣學田引江山學有田益今銓部邵
君曩令茲邑時所規置也歲收田租一百八十三石
八斗計價四十五兩零儲之縣從儒學申請支給其
田稅則以萬世土名立帶管戶便輸納顧未入查盤
冊以故吏胥里遞交相為奸不獨租被侵并田之肥
者且以硯業易之矣比壬午丈量賴易侯霍岡公清
存原額計田稅二頃二十四畝四分七厘六毫地稅
則貳畝四厘六毫坎稅則三分九厘五毫焉於是合
田若稅均其肥瘠輕重為拾分鬮註十里之末仍將
萬世土名附各籍俾十里掌其田而歲納租銀于縣
官歲額則各輸四兩四錢九分其數也合之得四十
四兩九錢焉遇貧生則賜文會供給費則支有餘

則以修繕學宮備公用是田之設所以厚學校者意甚殷也癸未秋余奉命來署學事首謁邵銓部輒語及嘗設學田委以清理比至署請之易侯得其悉然猶懼吏里之侵且易若前轍為之置簿十二捐一存縣一存學其十捐則十里各執其一既又慮後之士食邵君之賜忘所自也故載之石以垂不朽若夫述功德紀盛美業已有名筆矣余敢倭為

書院

逸平書院

舊在南塘宋逸平先生與朱考亭講學之

所正德十五年知縣吳仲改建騎石山以先生專祀

天啟志

即正學書院知縣吳仲改建騎石山以周二

峯先生配今廢

汪浩志

嘉靖二十二年知縣黃綸重

修隆慶間知縣邵仲祿重修易名正學

宋成綬志

萬曆四十一年邑人監生鄭朝煥程德芳徐世臯鄭

之階徐廷觀等重建

天啟志

國朝乾隆六十年教諭應芝暉訓導蔡英重建於騎石

山崇賢祠前就日連菴故址改造仍名正學書院咸

豐十年燬於兵

明周文興逸平書院記吳亞夫以名進士來尹吾邑當風俗微壞之餘而能法以繩之禮以行之政是以和民是以肅然又以為無以激厲乎人於是訪鄉先正徐公誠叟者為立祠於西山之陽捐俸置祠田若干畝俾公孫世守焉屬予記侯之為此非特為公榮蓋將使人望而敬焉以興起其為善之心江人有能自勵焉者未必不自侯此舉始焉
萌方豪逸平書院記江山令吳亞夫氏遣儒士吳聰訪予石礪草堂且告余曰吾邦有先正曰逸平先生者徐姓存名誠叟其字受業龜山得程氏之學與朱

子實相友善嘗講道於南塘書院逸平既沒朱子往
 弔焉書院已為毛氏墓田因賦詩寄哀有徐子舊書
 地毛公新墓田之句自後令江山者雖有三賢堂之
 設而南塘未有事祀吳侯迺建於騎石山下扁曰
 逸平書院不曰南塘者殊其地也曰逸平者顯其號
 以示專也書院始事為學生徐玘徐鳴鑾董工為典
 史湯文質相其成者為訓導劉鑑魏文謨院若干楹
 祀田若干畝附註碑陰云
 明章拯重修逸平書院記江山大尹金谿黃侯綸重
 修逸平書院既成乃請記於予先生講道南塘嘗作
 潛心室銘平生著述亦多從遊者周貴周孚鄭升之
 柴衛曾雍陸律江泳則其尤表表者也高節不出殆
 踰龜山秦檜欲識之而不可得其人品可知也朱子
 嘗訪之論道甚加敬仰乃為南塘書院之扁嘉靖王
 午晉陵吳仲為令始於縣西二里木連庵後創祠屋
 三間以為逸平書院迄今辛丑黃侯始至爰謁書院
 見屋敝漏且混僧刹乃因舊拓新捐貲庀工修墜起
 廢毀除荒像因庵門而撤舊號扁曰逸平書院春和
 奉祀永為定式其表賢礪儒可謂曲盡其心矣吾知
 豪傑之士必有奮然而興和而應之如周曾柴陸江

鄭諸公心逸平之心學伊洛之學出而用世隨其材
 質皆足以建業成名而自異於流俗矣豈不盛哉
 明徐霈徐逸平先生正學書院跋先生諱存號誠叟
 得龜山正心之學高遜不仕隱於邑之南塘從之者
 千數朱晦庵疑孟子放心之說造而問焉先生作心
 銘遺之學者識為印訣養齋邵公蒞政諸務未遑銳
 意正學朔望晉明倫堂與諸生論學考業曰先正徐
 逸平先生伊洛正傳也君子尚友千古而况居吾地
 耶幸諸生登先生之祠修葺邱墓廬舍扁其額曰正
 學書院倡明先生收放心之旨雖予之迂老而每以
 為相知予謂心者正念也放心者妄念也一念暫起
 是病生一念以收之此乃起爐作灶以妄收妄益其
 於別起一念以收之此乃起爐作灶以妄收妄益其
 妄也故知妄念一起即覺即離離即復其本體斯
 寂然而甯謐矣先生曰古人之云放心正指流情說智
 者辨當早覺從萌處別非知道者焉能識之公惕然
 而興曰此真收放心工夫也遂以是而訓迪諸生
 後學俾曉然知所趨向又考其格言都人士未有能
 誦其全者乃書而鐫之石以詔來學夫魯為泮宮發
 頌齊以稷下垂聲公下車首為茲舉固宜闡揚雅意

士大夫為之文記以志一時作士之正
 蔡英重建正學書院記學術之不正蠹人心害世教
 而欲返不正以復於正則必自造士之地始故前明
 邑宰邵公為逸平徐先生葺祠而更其名曰正學書
 院意良深也迨黃岡易公重整之而各仍其舊嗣後
 不以時葺未識圯於何年今乙卯丙辰間因重建逸
 平先生祠遂別建正學書院於祠下其地舊為僧刹
 司教應君與余謂僧舍不合在賢祠前欲毀撤之任
 肆之所基甚隘淺院舍不足爰依崖積石以恢而廣
 之為屋一十四楹中為講堂左右則院長列案設榻
 各一室餘俱學徒課舍庖福厠溷次列於側院後一
 巖洞廣數丈深二仞餘清泉從石罅中漏下不絕因
 於洞內鑿小池洞幽泉冽諸生課業之暇坐憩其中
 以靜胸次以資盥濯雖盛暑可衣單裕也院前則俯
 瞰平疇江流環帶層巒拱列如屏障其左則城堞若
 在人足下烟火數千家一覽可盡夫地靈則人傑明
 嘉靖時於此結宏文社一時名儒宿彥如方伯東溪
 徐公僉都御史留齋趙公輩皆由此陶育成材德業
 勲名彪炳竹帛後之藏修游息於斯者勿謂古今人

不相及也第人材必原本於學術讀聖賢之書而旁
 惑於左道異說其學也歧攻詞章之末而不切求之
 身心踐履其學也鄙歧學固顯背乎正鄙學亦自棄
 於正善夫逸平先生之告朱子首在克復歸仁知言
 養氣學之正者孰過於此是循是而進焉不獨可媲美
 於東溪諸公矣昔人之別書院於賢祠而仍名正學亦
 此物此志也今茲之別書院於賢祠而仍名正學亦
 此物此志也學於此者尚其勉旃
 宋朱子重過南塘弔徐逸平先生詩不到南塘久重
 來二十年山如龜背厚地與馬鞍連徐子舊書址毛
 公新墓田青松似相識無語重凄然
 國朝姜啟元登步鰲山訪逸平先生遺蹟詩羣謂當時
 吾道南高居屢駐大夫驂傳經無愧楊中立求友類
 過朱晦庵字冷荒碑寒巖曩院沉蔓草藉伽藍拔荆
 憑弔西風裏日落烟霏酒半酣
 毛默訪逸平先生遺蹟詩寂寂南塘徐子居為尋舊
 址近何如心銘共說遺殘榻手澤誰傳有積書訪道
 親承中立教質疑數接考亭車大儒身後天難問太
 息頻來
 空式閣

江郎書院 在江郎山上宋祝維建南倚郎峯北峙磚

塔左右壑深千仞人跡罕至明周文興等由書院而

祿仕者蓋三十六人今廢天啟志

集義書院 在獨秀峯西宋著作郎張恪同弟太學正

恢建今廢汪浩志

高齋書院 卽毛晃宅今爲高齋書院嘉靖府志

崧山書院 在長臺宋咸淳中邑人柴氏立義學元初

繪先賢共城侯高柴像祀焉至元十九年燬於寇柴

氏更建廟堂及齋廡申請都省設山長一員後復燬

於寇天啟志

采柴望崧山書院上梁文古者三代之學大莫大於
人倫聖人百世之師尊莫尊於夫子不有闕里之祀
曷恢鄉校之規大作經營聿新輪奐竊謂世之相去
夏日校殷日序周曰庠道不他歧行同倫書同文車
同軌粵自異端競起大義繁蕪鳳兮何德之衰麟也
爲時而出道之將行也命去魯衛以奚辭天之將喪
斯文可春秋之不作於是人也咏杏壇之下歌藻泮
之春至亞聖之大才尤有功於斯道雖曰火於秦而
佛於漢又當頌其詩而讀其書寥寥湖陽奏疏之餘
挺挺濂洛大儒之出一佛瑞世五星麗奎太極一圖
盡洩龜龍之秘紫陽一派勒回象之偏惟徐逸平
與柴元振爲同門高弟得正學親傳絲竹之音恍如
昨日俎豆之事未及百年道脉文章重振崧高之上
黨庠家塾一新麗坦之規宮牆增數仞之巍宗廟侈
百官之富弟子三千分洙泗之波冠者五六人詠
舞雩之服家多絃誦人有詩書見師道之常尊續大
原於不墜孰先孰後去聖人之世近聖人之居斯世
斯民先天下而憂後天下而樂用歌伶語以相梓人
也舊志作憲肅誤憲肅於南宋甯宗慶元中倅撫州

距逸平將及百年矣今爲考正之

仰山書院 在景星山原爲東嶽行宮知縣黃綸改祀

逸平正節兩先生置田六畝修理天啟志

清漾書院 在縣南二十五里鎮安毛氏建趙一齋主

之天啟志

景濂書院 在石門周二峯建天啟志

留齋書院 在石門趙方泉建天啟志

三益書院 在寶成寺後徐東溪講學處天啟志以上書院俱久廢

明徐霈贈毛從吾序略余自廣藩謝病歸築室於文水之濱與三五同志昕夕講口以復厥初朋彙四集遂成一講舍於是援古立約每月以朔望爲大會諸

友相次質疑辨難各求自得時則王西山林陽溪爲倡毛從吾次之實助余焉

栗天復東溪講舍詩景峯鬱嵒堯須水瀦清冽間氣鍾厥初明時崛奇傑結屋傍溪湄啟扉面林樾端坐整素襟神理自超絕塵紛屏囂雜俗駕謝軌轍詩書論其世景仰多前哲蚤歲得師承良知有真訣秋風越王臺游雲取明滅松柏深自持舉蘭佩維潔時招素心人相戒酬佳節朋來取雲龍滄海幽思結卷幔窺游魚烹茗汲寒雪情同鹿洞高教與龍門設蕭條南塘路誰哉繼芳烈 宋成綏志是詩作徐東溪

文溪書院 舊名涵香書院

國朝乾隆二年知縣宋雲會創建在江山縣學之右尊

經閣前講堂三楹左右書室八間大門五間二十八

年知縣雷士佺復增建於舊書院之右前爲大門門

之右跨河爲萃秀亭門再重爲見賓所中爲講堂左

為山亭右為岸舫後為講樓前後左右肄業書室共

三十二間列以嘉樹繞以修廊樓閣映帶厨漏井竈

備具規制益宏宋成綏志

周煌文溪書院碑記古之教者家有塾黨有庠術有

序國有學漢唐以下州縣皆立學宋明間始有書院

之設我朝敦崇學校久道化成凡山陬海澨僻壤遐荒莫不振

興道義絃誦之聲達於里巷而人文蔚起彬彬與鄒

魯同風江山為浙東屬邑南界閩鼎革時數罹兵燹

黨庠家塾鞠為茂草自國家涵濡休養幾近百年文教始復於古先是邑侯宋

君雲會初闢義學延師講業士之好修者亦皆克自

振拔相與漸厚砥礪數十年來日新月盛而江邑人

文遂甲於衢郡後邑侯雷君士佺見野處之秀民來

學者甚眾而慮其地之不足以容也偕紳士輸錢若

干就學官西偏餘地築室五重門牆堂宇巍然煥然

顏曰文溪書院鳩工於癸未落成於乙酉凡越三載

而後竣又憂經費之不支也撥仙居寺僧田之累訟

於官者二百一十餘畝以佐膏火草創未定會雷君

調任去自雷君去而昔之訟寺田者復欲奪以為私

訟於上官許不可制眾紳士協力爭之凡四易大憲

三易府縣至今邑侯宋君成綏而其案始定宋君喜

其案之既定而樂其學之有成也述其事求記於余

予維事之艱於成者其垂之也必遠然吾觀古之有

志化理者與利除弊其經營締造之初往往不遺餘

力自謂可以久存矣不數十更寒暑而考其遺跡渺

渺然不勝今昔之感者未嘗不嘆昔人用心如此之

勞而後人棄之之難結訟如是之久而卒底於成則凡

院創興如是之難結訟如是之久而卒底於成則凡

宰是邑者與其鄉之士大夫其可不鄭重而矜惜之

歟經其事者毋中怠毋苟安毋虛糜毋私利其亦可

也若夫教學之法載在經傳師得其人則盛不得其

人則衰不必誌誌其事之巔末以告後之人董其事

者林滋蕊毛鏐王名銑王鳳來姜有功陸上眷鄭澹

周尚親徐文鏐何元方劉萬年等共三十二人

道光二十二年燬於火二十三年復毀於風二十八

年知縣李玉典教諭蔡炳勳訓導宋文鑒重建中爲講堂後爲講舍兩廊添設考棚可編坐號千四五百每歲科錄取童生局試於此時董其事者鄭調元毛時雲汪日丙等

吳鍾駿重建江山文溪書院碑記江山爲閩浙要衝地當孔道冠蓋輻湊相望於境邑南十五里有廣濟驛市商會萃行李往來率多憇宿而城之內文溪書院向亦爲過客假館湖自乾隆癸未初建以來歷數十年視爲傳舍寢以彫剝繼復一燬於火再燬於風院宇荒穢壇場草烟教諭蔡炳勳訓導宋文鑒謀於縣令李玉典重爲修復屬邑之紳士而告之衆心歡躍旁述辱功若堂若亭若樓若閣次第營建線以長廊甃以文石庭除儷若講肄有所士之試於縣者兼得肩課於斯一事而二美具焉是役也經始於道光丁未落成於咸豐辛亥閱數年之久而始蒞事噫毀之易而成之難如是古者聖王之處士也使就閒燕

羣萃州居荒其地閒則塵囂遠而身心無放軼之虞其人萃則觀摩善而學問獲切磋之益使襍以賓從之駢闐溷以輿騎之隳突則不足以收學者之放心且易以間其程試之功其無乃非勤學之道與戒寓人毀傷之意乎予曩者兩使於閩塗出江山皆宿於廣濟驛不敢以講學之場爲逆旅之舍所願蒞斯土者皆知此地爲課士之所且恤其締構之艱而益加愛護尤願肄業斯院者服習講貫砥礪廉隅循循然勉於成材以無忘縣令學師與諸君子修復之盛心也工既成多士請記之爰書其事以勒於石其釀金而庀材者具其名別識於碑陰

咸豐八年衢郡校士館毀九年督學張文貞公奏明以江山縣書院暫作試館補行戊午科試於是年六月按臨知縣徐思薦訓導倪銀集邑人捐貲增建房屋三十餘間十年髮匪復竄增建諸屋旋壞

同治七年閏四月暴風雨西文廠震頽八年知縣王景彝重修

書院賓興會 同治十年貢生何錫霖等勸捐置田擬給文武鄉會兩試資斧所有田段稅畝列后

義學

社學四所 一在寶成寺一在海會寺一在施水寺一

在靈寶經堂 俱見宋成綬志今廢

禮賢義塾 在禮賢水口殿東里人姜三癸建年久坍塌道光十六年姜學祐鳳岡等與三癸裔孫槐彪等議兌地基就宗祠旁屋改設

同善義塾 在縣城同治二年奉左制憲設武生王開泰同庶母何氏捐助田壹伯伍拾叁畝零以歲入為修脯之資有餘則兼施棺藥

鎮安同善義塾 在南鄉鎮安里同治二年奉左制憲分設建有崇文會公捐田租藉給修膳膏火復各捐田以為備荒濟溺救貧禁宰濬泉諸善舉俱於同治九年呈縣立案所有各項租額附後

附文溪書院田段稅畝

龍字伍百陸拾陸號土名段石頭田壹坵稅壹畝貳分零叁毫
龍字伍百陸拾捌號土名同田壹坵稅壹畝壹分零
龍字伍百陸拾玖號土名同田貳坵稅玖分零

龍字壹千叁百伍拾號土名社屋前田壹坵稅壹畝壹分零

龍字壹千叁百柒拾陸號土名同田壹坵稅陸分零

龍字壹千貳百捌拾陸號土名同田壹坵稅捌分零

龍字壹千貳百玖拾柒號土名同田壹坵稅陸分零

龍字壹千陸百伍拾伍號土名水確沿田壹坵稅貳分

龍字壹千陸百肆拾肆號土名倉前蓬壩頭田貳坵稅壹畝叁分零

龍字伍百陸拾伍號土名羅漢坵田貳坵稅叁畝玖分

龍字壹千陸百肆拾壹號土名富戶田壹坵稅陸分

龍字壹千陸百肆拾貳號土名同田壹坵稅捌分零

龍字壹千陸百肆拾號土名塘田壹坵稅陸分零

龍字壹千玖百拾柒號土名鳥喬田壹坵稅壹畝貳分

龍字壹千玖百拾號土名高降門前壠田叁坵稅壹畝

龍字壹千貳百拾壹號土名同田壹坵稅壹畝陸分零

龍字壹千捌百柒拾玖號土名高降門前田壹坵稅捌分零

龍字壹千捌百柒拾號土名同田壹坵稅壹畝壹分

龍字壹千柒百叁拾伍號土名同田壹坵稅壹畝分零

龍字壹千柒百叁拾陸號土名同田壹坵稅柒分零

龍字壹千貳百拾號土名高降門前壠田叁坵稅壹畝

龍字壹千捌百拾壹號土名同田壹坵稅叁分零

龍字壹千伍拾伍號土名高降楓楠底田叁坵稅四分

龍字壹千玖百玖拾捌號土名高降壠底田壹坵稅柒分零

龍字貳千壹號土名同田壹坵稅肆分零

龍字伍百捌拾貳號土名張師塢田壹坵稅壹畝伍分

龍字伍百捌拾叁號土名同田壹坵稅壹分零

龍字伍百捌拾肆號土名同田壹坵稅陸分零

龍字伍百捌拾伍號土名同田壹坵稅陸分零

龍字伍百捌拾伍號土名同田壹坵稅壹畝壹分零
 龍字伍百捌拾陸號土名同田叁坵稅壹畝叁分零
 龍字伍百捌拾柒號土名同田叁坵稅柒分零
 龍字伍百捌拾捌號土名同田壹坵稅玖分零
 龍字陸百叁拾壹號土名破塘底田壹坵稅玖分零
 龍字陸百叁拾貳號土名破塘底田壹坵稅叁分零
 龍字壹百肆號土名達塢田貳坵稅叁畝叁分零
 龍字壹百肆號土名達塢田貳坵稅壹畝貳分零
 龍字壹千貳百柒拾號土名上暮露蓬基田壹坵稅壹畝柒分零
 龍字壹千陸百貳拾壹號土名高降上邊水路田壹坵稅伍分零
 龍字壹千陸百貳拾貳號土名同田貳坵稅壹畝伍分零
 龍字壹千叁百陸號土名鬼塘田壹坵稅貳畝柒分零
 龍字壹千叁百柒號土名同田壹坵稅肆分零
 龍字壹千叁百拾壹號土名同田壹坵稅貳分零
 龍字壹千叁百拾貳號土名同田壹坵稅貳畝捌分零
 又同處合業塘壹口拍稅伍分
 龍字陸百叁拾肆號土名嶺岡口社山底田壹坵稅捌分零
 龍字壹千貳百捌拾玖號土名燒香田田壹坵稅貳畝

叁分零
 龍字壹千貳百玖拾號土名同田壹坵稅捌分零
 龍字伍百拾叁號土名中山頭田貳坵稅壹畝肆分零
 龍字壹千貳百拾柒號土名巖前關王刀坵田壹坵稅貳畝零
 龍字壹千貳百拾捌號土名同田壹坵稅叁分零
 龍字壹千貳百拾號土名巖前路頂田貳坵拍稅壹畝叁分零
 龍字玖百叁拾號土名何家門前肆拾秤田壹坵拍稅壹畝玖分零
 龍字捌百柒拾陸號土名嶺岡橋頭拾秤田壹坵拍稅玖分零
 龍字伍百伍拾陸號土名中山橋頭田壹坵稅壹畝伍分零
 龍字伍百伍拾柒號土名同田壹坵稅壹畝捌分零
 龍字伍百伍拾捌號土名同田壹坵稅壹畝叁分零
 龍字伍百伍拾玖號土名同田壹坵稅壹畝叁分零
 上田肆坵共拍稅壹畝零叁厘柒毫
 龍字柒百陸拾伍號土名前壩口田壹坵稅貳畝伍分零
 龍字捌百伍拾伍號土名下橋頭拾叁秤田壹坵稅貳畝

畝貳分零

龍字玖百肆拾捌號土名捌百坵底田壹坵稅貳分零
 龍字玖百肆拾玖號土名同田貳坵稅肆分零
 龍字玖百陸拾壹號土名傳家塢田壹坵稅肆分零
 龍字玖百陸拾貳號土名同田壹坵稅壹畝壹分零
 龍字玖百陸拾參號土名同田壹坵稅壹畝壹分零
 龍字玖百陸拾肆號土名同田壹坵稅陸分零
 龍字玖百陸拾伍號土名同田壹坵稅陸分零
 龍字玖百陸拾陸號土名同田壹坵稅陸分零
 龍字玖百陸拾柒號土名同田壹坵稅陸分零
 龍字玖百陸拾捌號土名同田壹坵稅陸分零
 龍字玖百陸拾玖號土名同田壹坵稅陸分零
 龍字玖百柒拾號土名傳家塢捌百坵路底田貳坵稅
 龍字玖百柒拾壹號土名傳家塢寺大路田貳坵稅伍
 龍字玖百柒拾貳號土名同田貳坵稅捌分零
 龍字玖百柒拾參號土名豬頭坵田壹坵稅壹畝零
 龍字玖百柒拾肆號土名同田壹坵稅伍分零
 龍字玖百柒拾伍號土名同田壹坵稅伍分零
 龍字玖百柒拾陸號土名同田壹坵稅陸分零
 龍字玖百柒拾柒號土名同田壹坵稅陸分零
 龍字玖百柒拾捌號土名拾伍秤田壹坵稅貳畝伍分
 龍字玖百柒拾玖號土名下拾秤田壹坵稅參分零
 龍字玖百捌拾號土名同田壹坵稅貳畝肆分零
 龍字玖百捌拾壹號土名同田壹坵稅貳畝肆分零
 龍字玖百捌拾貳號土名同田壹坵稅貳畝肆分零
 龍字玖百捌拾參號土名同田壹坵稅貳畝肆分零

分零

龍字柒百捌拾肆號土名竹山底田貳坵稅柒分零
 龍字柒百捌拾伍號土名同田貳坵稅肆分零
 龍字柒百捌拾陸號土名同田貳坵稅伍分零
 龍字柒百捌拾柒號土名破塘山根田壹坵稅壹畝叁
 龍字柒百捌拾捌號土名同田壹坵稅壹畝叁
 龍字柒百捌拾玖號土名同田壹坵稅壹畝叁
 龍字柒百玖拾號土名破塘底田貳坵稅肆分零
 龍字柒百玖拾壹號土名同田壹坵稅壹畝零
 龍字柒百玖拾貳號土名同田壹坵稅壹畝零
 龍字柒百玖拾參號土名同田壹坵稅壹畝零
 龍字柒百玖拾肆號土名同田壹坵稅壹畝零
 龍字柒百玖拾伍號土名同田壹坵稅壹畝零
 龍字柒百玖拾陸號土名同田壹坵稅壹畝零
 龍字柒百玖拾柒號土名同田壹坵稅壹畝零
 龍字柒百玖拾捌號土名同田壹坵稅壹畝零
 龍字柒百玖拾玖號土名同田壹坵稅壹畝零
 龍字柒百參號土名社山底坵田壹坵稅肆分零
 龍字柒百參拾號土名同田壹坵稅肆分零
 龍字柒百參拾壹號土名同田壹坵稅肆分零
 龍字柒百參拾貳號土名同田壹坵稅肆分零
 龍字柒百參拾參號土名同田壹坵稅肆分零
 龍字柒百參拾肆號土名同田壹坵稅肆分零
 龍字柒百參拾伍號土名同田壹坵稅肆分零
 龍字柒百參拾陸號土名同田壹坵稅肆分零
 龍字柒百參拾柒號土名同田壹坵稅肆分零
 龍字柒百參拾捌號土名同田壹坵稅肆分零
 龍字柒百參拾玖號土名同田壹坵稅肆分零
 龍字柒百參拾號土名同田壹坵稅肆分零

翔字肆千壹百拾柒號土名郭山後高坂田壹坵稅陸分零

翔字肆千壹百貳拾肆號土名同田壹坵稅叁分零

翔字肆千壹百貳拾伍號土名同田壹坵稅捌分零

翔字肆千壹百貳拾陸號土名同田壹坵稅肆分零

翔字肆千壹百貳拾柒號土名同田壹坵稅貳分零

翔字肆千壹百貳拾捌號土名同田壹坵稅叁分零

翔字肆千壹百貳拾玖號土名同田壹坵稅陸分零

翔字肆千壹百貳拾號土名同田壹坵稅叁分零

翔字肆千壹百貳拾壹號土名同田壹坵稅陸分零

翔字肆千壹百貳拾貳號土名同田壹坵稅叁分零

翔字肆千壹百貳拾叁號土名同田壹坵稅陸分零

翔字肆千壹百貳拾肆號土名同田壹坵稅叁分零

翔字肆千壹百貳拾伍號土名同田壹坵稅陸分零

翔字肆千壹百貳拾陸號土名高坂田壹坵稅壹畝陸分零

翔字肆千壹百貳拾柒號土名瓦山田壹坵稅壹畝壹分零

翔字肆千壹百貳拾捌號土名薄刀坵田貳坵稅壹畝

翔字肆千壹百貳拾玖號土名瓦山僕頭坵田貳坵稅

翔字肆千壹百貳拾號土名瓦山僕頭坵田貳坵稅

翔字肆千壹百貳拾壹號土名瓦山僕頭坵田貳坵稅

翔字肆千壹百貳拾貳號土名瓦山僕頭坵田貳坵稅

翔字肆千壹百貳拾叁號土名瓦山僕頭坵田貳坵稅

翔字肆千壹百貳拾肆號土名瓦山僕頭坵田貳坵稅

翔字肆千壹百貳拾伍號土名瓦山僕頭坵田貳坵稅

翔字肆千壹百貳拾陸號土名瓦山僕頭坵田貳坵稅

翔字肆千壹百貳拾柒號土名瓦山僕頭坵田貳坵稅

翔字肆千壹百貳拾捌號土名瓦山僕頭坵田貳坵稅

翔字肆千壹百貳拾玖號土名瓦山僕頭坵田貳坵稅

翔字肆千壹百貳拾號土名瓦山僕頭坵田貳坵稅

翔字肆千壹百貳拾壹號土名瓦山僕頭坵田貳坵稅

翔字肆千壹百貳拾貳號土名瓦山僕頭坵田貳坵稅

翔字肆千壹百貳拾叁號土名瓦山僕頭坵田貳坵稅

翔字肆千壹百貳拾肆號土名瓦山僕頭坵田貳坵稅

翔字肆千壹百貳拾伍號土名瓦山僕頭坵田貳坵稅

翔字肆千壹百貳拾陸號土名瓦山僕頭坵田貳坵稅

翔字肆千壹百貳拾柒號土名瓦山僕頭坵田貳坵稅

翔字肆千壹百貳拾捌號土名瓦山僕頭坵田貳坵稅

翔字肆千壹百貳拾玖號土名瓦山僕頭坵田貳坵稅

翔字肆千壹百貳拾號土名瓦山僕頭坵田貳坵稅

翔字肆千壹百貳拾壹號土名瓦山僕頭坵田貳坵稅

翔字肆千壹百貳拾貳號土名瓦山僕頭坵田貳坵稅

外又陞課田肆畝捌分捌厘捌毫俱係仙居寺多餘

田畝撥入見文溪書院田碑

鳥字壹萬壹千伍號土名奈豆田叁拾柒坵稅貳畝貳

鳥字叁千貳百拾捌號至叁拾陸號土名扁坂田叁拾

叁坵稅叁畝叁分

鳥字叁千貳百拾捌號至叁拾陸號土名扁坂田叁拾

叁坵稅叁畝叁分

鳥字叁千貳百拾捌號至叁拾陸號土名扁坂田叁拾

叁坵稅叁畝叁分

鳥字捌千叁百拾伍號至拾捌號土名大坂田貳坵稅壹畝陸分

鳥字萬千 拾 號土名殺虎坵田壹坵稅貳畝肆分

鳥字萬千 百 拾 號土名社前田壹坵稅壹畝零貳厘

鳥字萬千 百 拾 號土名九担秧田田肆拾貳畝稅肆畝柒分

鳥字萬千 百 拾 號土名上南塘田陸拾玖畝稅肆畝捌分

又土名後壠後壠尾田貳段共壹百拾肆畝稅拾壹畝叁分壹厘

以上裡山寺田共稅叁拾壹畝叁分叁厘共田貳拾捌號大小貳百玖拾玖坵

人字壹百拾貳號土名南坂田貳畝稅叁分捌厘陸毫

人字壹百拾叁號土名同田壹畝稅陸分陸厘壹毫

人字壹百拾肆號土名同田壹畝稅伍分伍厘壹毫

人字壹百拾伍號土名同田貳畝稅陸分貳厘陸毫

人字壹百拾陸號土名同田壹畝稅叁分伍厘伍毫

土名湖塘降田貳拾玖畝稅柒畝叁分伍厘伍毫

土名倉坂壠田捌畝與毛姓合業拍稅貳畝零壹厘

土名周家塢口田貳畝稅貳畝伍分

土名廿秤官路沿田伍畝稅肆畝玖分柒厘叁毫

土名下街頭田柒畝

土名官路底田壹畝共稅肆畝肆分壹厘玖毫

以上仙霞關田共稅貳拾叁畝柒分陸厘肆毫共田伍拾玖坵

麗字肆百伍拾叁號肆百伍拾陸號土名寺前田貳畝稅壹畝叁分叁厘捌毫

麗字肆百伍拾伍號土名寺前田壹畝稅貳分玖厘

麗字肆百伍拾柒號肆百伍拾肆號土名寺前田貳畝稅貳畝貳分柒毫

麗字肆百肆拾壹號土名寺前田壹畝稅叁分捌毫

麗字肆百肆拾肆號土名寺前田壹畝稅貳畝貳分柒毫

麗字肆百肆拾肆號土名寺前田壹畝稅貳畝貳分柒毫

麗字肆百肆拾肆號土名寺前田壹畝稅貳畝貳分柒毫

麗字肆百肆拾叁號土名寺前田壹坵稅貳畝貳分肆厘貳毫
 麗字肆百肆拾柒號土名寺前田壹坵稅壹畝玖分陸厘獨業蔭塘壹口計稅壹畝貳分

以上普明寺田共稅壹拾畝柒分伍厘共田玖號大

小玖坵塘壹口稅壹畝貳分

土名周捌塘田陸坵稅貳畝貳分貳厘陸毫
 土名落淵田叁坵稅壹畝貳分零壹毫
 土名石皮田壹坵稅壹畝叁分叁厘伍毫
 土名長老田壹坵稅貳畝壹分捌厘捌毫
 土名烏頭山田叁坵稅壹畝陸分貳厘
 土名周捌塘田拾坵稅陸畝零玖厘柒毫
 土名烏壠尾拾伍畝稅陸畝陸分伍厘叁毫
 土名周捌塘山根田伍坵稅叁畝捌分肆厘捌毫
 土名馬步湖田陸坵稅肆畝叁分

以上太平寺田共稅貳拾玖畝貳分陸厘捌毫共田

肆拾肆坵

麗字玖拾陸號土名竹蓬底田壹坵稅貳畝陸分肆厘叁毫

麗字玖拾柒號土名佛殿坵田壹坵稅肆分叁厘捌毫

麗字玖拾捌號土名佛殿坵田壹坵稅壹畝柒毫

麗字玖拾伍號土名捌裡田壹坵稅貳畝零貳毫

麗字玖拾肆號土名捌裡田壹坵稅壹分肆厘伍毫

麗字玖拾叁號土名捌裡田壹坵稅捌分貳厘玖毫

麗字肆百柒號土名傳家塢田壹坵稅貳分捌厘柒毫

麗字肆百貳拾貳號土名樹青山田壹坵稅叁畝捌分玖厘叁毫

麗字貳百貳拾叁號土名樹青山田壹坵稅壹分肆厘陸毫

麗字肆百壹號土名淫頭坂田壹坵稅壹畝肆分柒厘柒毫

麗字肆百壹號土名平章埧田貳坵稅玖分伍厘貳毫

麗字肆百伍號土名埧埧田壹坵稅壹畝玖分柒厘貳毫

麗字肆百陸號土名官庄埧田壹坵稅貳畝陸分陸厘

麗字肆百拾壹號土名宋家山底田壹坵稅伍厘捌毫
 麗字伍百玖拾叁號土名青口埧田壹坵稅貳畝貳分
 麗字陸百捌拾玖號土名青口埧田壹坵稅貳分捌厘
 麗字陸百玖拾壹號土名青口埧田壹坵稅陸厘玖毫
 麗字陸百玖拾陸號土名青口埧田壹坵稅叁分陸毫
 麗字肆百玖拾叁號陸百玖拾肆號土名青口埧田貳
 坵稅肆分肆厘陸毫 貳分捌厘捌毫
 麗字柒百號土名青口埧田壹坵稅陸分陸厘叁毫
 麗字柒百壹號土名青口埧田壹坵稅貳分伍厘肆毫
 麗字肆百叁號土名青口埧田壹坵稅捌分叁厘伍毫
 麗字貳百拾肆號土名東埧降底田壹坵稅貳畝伍分
 柒厘伍毫合業蔭塘貳口拍稅叁分

以上松居菴田共稅貳拾柒畝貳分零貳毫共田貳拾伍號大小貳拾伍坵塘貳口稅叁分

荒字壹千伍百陸拾柒號土名橫圳田壹坵稅壹畝壹分叁厘陸毫
 荒字壹千伍百陸拾捌號土名橫圳田壹坵稅肆分叁厘柒毫帶蔭塘
 荒字壹千伍百玖拾柒號土名橫圳田壹坵稅伍分玖厘柒毫
 荒字壹千伍百玖拾捌號土名橫圳田壹坵稅玖分肆厘柒毫
 荒字壹千伍百捌拾玖號土名橫圳田壹坵稅壹畝叁分伍毫
 荒字壹千肆百伍拾貳號土名橫圳田壹坵稅叁畝肆分肆厘貳毫
 荒字壹千肆百廿叁號土名橫圳田壹坵稅壹畝壹分壹毫
 荒字壹千肆百拾玖號土名橫圳沿田壹坵稅壹畝捌厘柒毫
 荒字廿肆號土名橫圳沿田壹坵稅貳畝伍厘陸毫
 荒字廿伍號土名橫圳沿田壹坵稅壹畝陸分壹厘

荒字壹千叁百廿號土名撐頂田壹坵稅壹畝肆分陸厘柒毫

土名寺壩頭田壹坵稅貳分玖厘貳毫

荒字壹千貳百玖拾玖號土名寺後田壹坵稅玖分捌厘壹毫

土名鵝頭頭田壹坵稅柒分肆厘肆毫

荒字伍千伍百柒拾號土名楊基坂田壹坵稅壹畝陸分陸厘柒毫

荒字伍千伍百玖拾壹號土名楊基坂田壹坵稅叁分玖厘陸毫

荒字壹千伍百伍拾玖號土名楊基坂田壹坵稅壹畝柒分柒厘

荒字壹千壹百廿柒號土名西坂田壹坵稅柒分捌厘陸毫帶蔭塘貳口拍稅伍分

俚撥入

以上鹿山寺田共稅貳拾貳畝柒分捌厘玖毫共田拾柒號大小拾玖坵自裡山寺至此俱係知縣雷士

雲字號土名東井口田捌坵繩宅塢口田陸坵共稅壹畝肆分捌厘捌毫

壹字號土名嚴塘田貳拾陸坵共稅捌畝叁分壹厘捌毫

黎字號土名瓦山頭魚塘邊後村壩占家祠田拾柒坵共稅玖畝玖分伍厘伍毫

羌字號土名黃塢塘田壹坵稅玖分貳厘伍毫

推字號土名蔣家塔田叁坵共稅肆畝壹分陸厘肆毫

淡字號土名裡塘壩田叁拾玖坵共稅柒畝叁分壹厘伍毫肆絲伍忽外地稅貳分壹厘捌毫柒絲伍忽

以上係原撥官田共稅叁拾貳畝壹分陸厘伍毫玖絲伍忽共田壹百坵

潛字壹千伍百陸拾貳號土名長湖田壹坵稅貳畝玖分叁厘

羽字壹百拾叁號土名拾地壩田壹坵稅壹畝貳分貳厘肆毫

羽字壹百叁拾柒號土名拾地壩田壹坵稅柒分玖厘叁毫
羽字貳千叁拾叁號土名赤山邊田壹坵稅叁畝捌分壹厘叁毫
翔字號土名面頭山田壹坵稅壹畝

以上係石門庄宋宙捐田共稅玖畝柒分陸厘共田

伍號大小伍坵

雲字壹千伍拾號土名石橋頭田壹坵稅肆分玖厘陸毫
雲字壹千伍拾壹號土名皂塢田壹坵稅叁分叁毫
收字貳千伍百陸拾號土名豬娘降田壹坵稅肆分壹厘壹毫
芥字貳千肆百伍拾號土名毛村田壹坵稅壹畝
湯字壹百拾壹號土名三橋田壹坵稅壹畝
爲字貳千陸百玖號土名王生壠田壹坵稅壹畝
收字叁千叁百玖拾叁號土名阿塘田壹坵稅壹畝
拍塘稅壹分

玉字貳千玖百玖拾陸號土名湖家山底田壹坵稅玖分柒厘伍毫

騰字叁千伍百柒拾陸號土名張家塘田壹坵稅叁分伍厘伍毫
騰字叁千陸百貳號土名陳家塢田壹坵稅叁分伍厘伍毫

騰字叁千陸百玖號土名同田壹坵稅貳分玖厘柒毫
朝字號土名上洋田貳坵稅叁畝
收字叁千壹百柒拾柒號土名貓兒壠田壹坵稅肆分柒厘叁毫
收字叁千貳百柒拾捌號土名同田壹坵稅伍分叁厘肆毫
肆號塘稅壹分
龍字號土名下洋塢田壹坵稅壹畝

以上俱涵香董事鄭國棟毛雲驃徐林毛巒徐邦瑯
毛士錕何如城鄭遠在姜秉鎮何元方劉萬年等捐
助共稅壹拾貳畝肆分玖厘叁毫共田拾伍號大小

拾陸坵塘稅貳分

罪字伍百叁拾陸號土名前山頂稅柒分捌厘捌毫
 罪字伍百叁拾捌號土名同稅貳分陸厘玖毫
 罪字伍百叁拾玖號土名同稅肆分壹厘叁毫
 罪字伍百肆拾號土名同稅叁分伍厘
 罪字伍百肆拾壹號土名同稅柒分柒厘玖毫
 罪字伍百肆拾貳號土名同稅叁分玖厘柒毫
 罪字伍百肆拾叁號土名同稅柒分捌厘叁毫
 罪字伍百肆拾肆號土名同稅貳分貳厘叁毫
 罪字伍百伍拾號土名同稅陸分貳厘叁毫同處獨業
 塘壹口稅叁分捌厘
 遂字肆千陸百叁拾號土名大蒜湖稅壹畝陸分玖厘壹號
 遂字肆千陸百拾玖號土名楊家坂稅貳畝壹分叁厘柒毫
 遂字肆千陸百廿壹號同處塘拍稅壹分叁厘陸毫
 遂字肆千捌百肆拾號土名埂頭後門稅玖分肆厘貳毫
 遂字肆千捌百肆拾壹號土名同稅肆分柒厘捌毫

發字號土名同稅叁分捌厘叁毫同處獨業塘壹口稅

壹分伍厘

遂字伍千零伍拾壹號土名前倉稅貳分陸厘陸毫陸

絲

遂字伍千零伍拾貳號土名同稅叁分柒厘陸毫貳絲

遂字伍千零伍拾叁號土名同稅玖分叁厘零捌絲

遂字伍千零伍拾陸號土名同稅叁分陸厘零肆絲

遂字伍千零陸拾號土名青草塘稅肆分

發字玖百玖拾號土名師公田稅叁畝零捌厘壹毫

發字貳百捌拾號土名皂角樹底稅壹畝零陸厘

以上係新置萬青山庄田段共稅壹拾陸畝柒分叁

厘零捌絲共田貳拾壹號塘叁口稅陸分陸厘陸毫

有碑記載藝文 自仙居寺龍字號至此悉仍舊志

龍字壹千玖百陸號土名烏橋稅叁畝叁分肆厘捌毫

龍字壹千玖百柒號土名同稅肆分陸厘陸毫

龍字壹千玖百捌號土名同稅陸分叁毫

龍字壹千玖百玖號土名同稅叁分柒厘捌毫 以上

肆號共七坵

龍字壹千叁百捌號土名中山豆花亭稅叁分壹厘玖毫

龍字壹千叁百玖號土名同稅貳畝壹分玖厘壹毫

龍字壹千叁百拾號土名同稅壹畝壹分玖厘玖毫又

合業塘壹口稅貳分田內獨業塘壹口

大字叁千柒百捌拾柒號土名大田大坵稅貳畝捌分

陸厘肆毫獨業塘壹口稅肆分

翔字貳千貳百玖號土名西降稅壹畝玖分肆厘肆毫

翔字貳千貳百柒拾捌號土名同稅陸分玖厘玖毫

翔字貳千貳百玖拾捌號土名同稅陸分捌厘柒毫

翔字貳千柒百貳拾捌號土名下棋曲坵稅陸分陸厘

伍毫

翔字貳千柒百叁拾柒號土名荅瓶大坵稅貳畝肆分

壹厘壹毫

翔字貳千柒百伍拾肆號土名界牌門稅肆分柒厘玖

毫

翔字貳千捌百拾玖號土名倉屋門前稅玖分柒厘捌

毫

土名界牌門前田貳坵稅壹畝肆分田內并塘壹口

辰字壹千壹百貳拾伍號土名下塢壠田貳坵稅玖分

伍厘陸毫

辰字壹千壹百貳拾肆號土名同田貳坵稅捌分叁厘

伍毫

辰字壹千壹百貳拾陸號土名同田貳坵稅叁分叁厘

塘壹口約計稅伍分

辰字壹千壹百伍拾壹號土名江家壠即坂頭田壹坵

今作壹坵稅叁畝柒分捌厘

辰字壹千壹百伍拾貳號土名同田貳坵稅壹畝零叁

稅壹分貳厘貳毫

辰字壹千壹百伍拾叁號土名同田貳坵稅伍分貳厘

伍毫

辰字壹千貳百肆拾貳號土名洞塘坵即西湖沿田壹

坵稅貳畝貳分肆厘 此號田與下塢壠田同契所

并之塘壹口該分灌蔭

土名水碓底熱地壹片稅貳畝肆分伍厘

全處埕上熱地壹片稅肆分伍厘

致字千百拾號土名磨鈎坵田壹坵稅壹畝

致字千百拾號土名坑沿俗呼剝埧田貳坵

致字千百拾號土名楊柳荅田貳坵稅壹畝

致字伍百陸拾號土名同田壹坵稅叁分玖厘柒毫

致字伍百叁拾壹號土名宅江埧邊田壹坵稅貳分肆

厘肆毫

收字叁千叁百柒拾叁號土名五家坂田壹坵今作貳

坵稅肆畝貳分

辰字叁千叁百貳拾號土名審裡壺瓶坵田壹坵稅壹

畝叁分壹厘肆毫

以上俱道光咸豐年間續置產業共田叁拾號大小

肆拾陸坵稅叁拾玖畝伍分伍厘肆毫外共地貳片

稅貳畝玖分塘伍口稅壹畝壹分

臣字陸千伍百陸拾捌號土名經騰壩頭稅肆分玖厘

貳毫

臣字陸千伍百柒拾捌號土名同稅肆分玖厘貳毫

臣字陸千伍百柒拾捌號土名同稅壹畝叁分捌厘

臣字捌千捌拾柒號土名蓮塘後門壩稅壹畝肆分伍

厘貳毫

土名後門塘壹口稅壹分

以上係周知光充公田撥入共稅肆畝壹分壹厘陸

毫共田伍號塘壹口稅壹分

龍字陸千肆百拾捌號土名泉井門稅肆分玖厘叁毫

龍字陸千肆百拾玖號土名同稅壹畝捌分貳厘柒毫

龍字陸千肆百貳拾貳號土名同稅壹畝叁厘叁毫

翔字貳千柒百伍拾壹號土名界牌下壩稅壹畝壹分

玖厘貳毫

翔字貳千陸百捌拾肆號土名同稅肆分捌厘捌毫

翔字貳千陸百捌拾柒號土名同稅陸分貳厘伍毫

翔字貳千陸百捌拾捌號土名同稅捌分壹毫

翔字貳千陸百玖拾壹號土名同稅柒分柒厘貳毫

翔字貳千柒百叁號土名同稅壹畝壹分伍厘壹毫

夜字伍千拾貳號土名同稅陸分壹厘
 夜字伍千陸拾玖號土名同稅壹畝陸分壹厘捌毫
 夜字伍千柒拾壹號土名同稅肆分柒厘叁毫
 夜字伍千柒拾叁號土名同稅伍分壹厘
 夜字伍千柒拾陸號土名同稅壹分陸厘陸毫
 夜字伍千捌拾伍號土名同稅伍分伍厘柒毫
 土名鏢脚祿獨業塘壹口稅貳分 下塘壹口拍稅壹分

以上係何近顏師焯兄弟充公田撥入共稅叁拾陸

畝壹分捌厘肆毫共田肆拾柒號外共塘玖口共稅

貳畝

師字壹千伍百拾肆號土名野猪猫塘稅叁分貳厘捌毫
 師字壹千伍百拾伍號土名同稅玖分貳毫
 師字壹千伍百陸拾叁號土名同稅伍分肆厘肆毫
 師字壹千伍百陸拾肆號土名同稅壹畝叁分柒厘肆毫

師字壹千伍百玖拾玖號土名同稅叁分玖厘捌毫
 師字壹千伍百玖拾伍號土名同稅壹畝壹分叁厘
 師字壹千伍百陸拾伍號土名同稅柒分貳厘捌毫
 師字壹千伍百陸拾壹號土名同稅陸分伍厘叁毫
 師字壹千伍百拾玖號土名同稅柒分陸厘捌毫
 全處塘壹口作田壹坵水坵壹條稅肆分 以上玖號
 共拾壹坵
 火字壹千壹百陸號土名堯塘埝田壹坵稅壹畝叁分柒厘柒毫
 火字壹千壹百柒號土名同稅壹畝柒分貳厘叁毫
 火字壹千壹百捌號土名同稅捌分壹厘柒毫
 火字壹千壹百貳拾玖號土名同稅壹畝貳分柒厘柒毫
 火字壹千柒百拾捌號土名同稅壹畝叁分叁厘陸毫
 火字壹千百拾號土名同稅壹畝叁分叁厘陸毫
 以上陸號共 坵
 火字柒百貳拾貳號土名曲坵田壹坵稅玖分壹毫
 火字柒百陸拾號土名毛家園田壹坵稅伍分零陸毫
 師字壹千貳百陸拾陸號土名黃枝塘田壹坵稅壹畝壹分壹厘

師字伍千肆百叁拾號土名龍頭山田壹坵稅陸分陸毫柒絲貳忽	師字伍千肆百貳拾玖號土名龍頭山田貳坵稅貳分壹厘	龍字叁千肆百貳拾肆號土名古村田壹坵稅壹畝陸分壹厘伍毫	龍字叁千肆百貳拾陸號土名同稅伍分玖厘陸毫	師字壹千伍百拾貳號土名野猫塘田壹坵稅壹畝壹分伍厘	師字叁千肆百捌拾玖號土名毛坂田壹坵稅壹畝伍厘陸毫	師字壹千叁百柒拾柒號土名上週坂田壹坵稅肆分肆厘肆毫	師字叁千肆百肆拾叁號土名毛坂稅壹畝貳分伍厘玖毫	師字叁千肆百陸拾壹號土名同稅伍分壹厘肆毫	師字叁千肆百陸拾貳號土名同稅肆分貳厘伍毫	師字叁千肆百陸拾肆號土名同稅陸分叁厘叁毫	師字叁千肆百陸拾伍號土名同稅伍分柒厘捌毫	師字叁千肆百陸拾陸號土名同稅捌分壹厘叁毫
----------------------------	-------------------------	----------------------------	----------------------	--------------------------	--------------------------	---------------------------	-------------------------	----------------------	----------------------	----------------------	----------------------	----------------------

師字叁千肆百捌拾玖號土名同稅壹畝伍厘陸毫同處獨業塘壹口稅肆分	師字伍千陸百陸拾貳號土名余家塔田壹坵稅壹分伍厘	師字伍千陸百陸拾叁號土名同田壹坵稅肆分陸厘	師字伍千陸百陸拾肆號土名同田壹坵稅柒厘柒毫	師字伍千陸百陸拾伍號土名同田壹坵稅貳分肆厘柒毫	師字伍千陸百陸拾陸號土名同田壹坵稅壹分捌厘伍毫	師字伍千陸百陸拾柒號土名同田壹坵稅叁分壹厘	師字伍千陸百陸拾捌號土名同田壹坵稅伍分陸毫	師字伍千陸百陸拾玖號土名同田壹坵稅肆分伍厘	師字伍千陸百柒拾號土名同田壹坵稅壹分壹厘毫	師字伍千陸百柒拾壹號土名同田壹坵稅捌分壹厘捌毫	師字伍千陸百柒拾伍號土名同田壹坵稅捌分肆厘叁毫	師字伍千陸百捌拾號土名同田壹坵稅伍厘
--------------------------------	-------------------------	-----------------------	-----------------------	-------------------------	-------------------------	-----------------------	-----------------------	-----------------------	-----------------------	-------------------------	-------------------------	--------------------

火字柒百貳拾叁號土名西庫俗呼梅柚坵田壹坵稅玖分柒毫

以上係鄭宗健抵償田段共稅叁拾貳畝伍分伍厘

陸毫共田肆拾伍號大小伍拾 坵塘貳口稅肆分

字 千 百 拾 號土名下村坂迭墘底田壹坵

稅貳畝貳分伍厘 號同處念秤田底田貳坵稅伍

分 千 百 拾 號土名下村坂沙會湖田壹坵

稅壹畝柒分伍厘 列字壹千叁百柒拾陸號土名鄭村舍山墘田壹坵稅

壹畝貳分伍厘肆毫 日字壹千柒百玖拾貳號土

名湖裡田壹坵稅壹畝 以上係毛玉峯抵償田段共稅陸畝柒分伍厘肆毫

共田伍號大小陸坵

土名外塘沿田貳坵稅玖分柒厘肆毫伍絲同處田壹

坵稅貳畝貳分伍厘塘稅伍厘

土名七都賞簿塢田叁坵稅貳畝壹分貳厘壹毫同處

早田貳坵稅肆分陸厘肆毫荷花塘拍稅貳分伍厘

土名江家坂田壹坵稅壹畝捌分肆厘玖毫

土名徐家山後山底田壹坵稅貳畝捌分貳厘伍毫

土名王宅山長塘底田壹坵稅壹畝長塘壹口拍稅伍

厘

土名溪后亭門前田壹坵俗呼蒿筍壩頭田稅叁畝柒

分陸厘捌毫

土名落家墘田壹坵稅伍分伍厘柒毫塘拍稅叁厘

土名磨壩山嘴田壹坵稅伍分陸厘塘拍稅伍厘

土名子母硬前頭山地大小貳片稅壹畝伍分

土名下門頭周家後門田壹坵稅貳分壹厘陸毫

呂字貳拾伍號同處田肆坵稅壹畝貳分柒厘柒毫獨

塘貳口拍稅貳分

以上係周以愷助入田共稅壹拾捌畝伍分伍厘貳

毫伍絲共田拾肆號大小貳拾壹坵外共地貳片稅

壹畝伍分共塘稅陸分叁厘

土名樟楠洲田壹坵稅貳畝柒分陸厘
土名界牌庄所門前田壹坵
土名雙連塘田壹坵連上號共稅肆畝零
土名璩家降田拾坵合業塘壹口
土名皂子樹林田陸坵獨業塘壹口
土名平山路底田肆坵獨業塘壹口
土名桐樹塘田捌坵獨業塘壹口
土名北壠田肆坵合業塘壹口
土名油車坂田拾坵獨業塘壹口連上陸號共稅玖畝零

以上係王鶴莊道源兄弟捐助修理考場桌凳共田

肆拾伍坵共稅壹拾伍畝柒分陸厘零

土名天仙坵田壹坵稅貳畝陸分
土名倉坵田壹坵稅貳畝柒分

土名株塢坵田貳坵稅貳畝柒分
土名王家山底田貳坵稅壹畝柒分
土名下洋田壹坵稅貳畝伍分

以上係正誼書院撥入田共稅壹拾貳畝貳分共田

柴坵永壤壹坵

鱗字號金山底田柴坵稅壹畝壹分伍厘肆毫內給還田四分伍厘肆毫入官田柒分年交租銀伍錢陸分
海字號水碓後田叁坵稅貳畝貳分壹厘內給還田壹畝肆分壹毫入官田捌分年交租銀捌錢
元字號土名迭淤猪槽壇田貳坵稅叁畝肆分肆厘捌毫內給還田壹畝伍分
柴厘肆毫年交租銀壹兩貳錢伍分
致字號溪淤麻地田貳坵稅壹畝貳分零玖毫又路底田壹坵稅貳分陸厘二處共稅壹畝肆分陸厘玖毫內給還田捌分陸厘伍毫入官田陸分零肆毫年交租銀肆錢捌分
致字號北山溪淤田貳坵稅壹畝肆分捌厘捌毫內給

還田柴分肆厘肆毫入官田柴分肆厘肆毫年交租銀伍錢陸分

地字號百合田拾壹坵稅壹畝貳分陸毫內給還田陸分叁毫入官田陸分叁毫年交租銀肆錢捌分

霜字號毛沉山田貳拾坵稅壹畝捌分零玖毫內除入官年交租銀壹兩肆錢肆分

字號土名大泉淤田壹坵稅壹畝壹分玖厘捌毫內給還田伍分玖厘玖毫年交租銀伍錢正

湯字號上箬塢田貳坵稅壹畝陸分玖厘年交租銀柒錢正

湯字號野猪塢田柒坵稅肆畝壹分陸厘陸毫年交租銀貳兩正

龍字號大塢塢田三坵稅壹畝零伍厘伍毫內給還田陸分叁厘入官田肆分貳厘伍毫年交租銀叁錢貳分

字號張家灣田壹坵稅貳畝陸分壹厘內給還田壹畝叁分零伍毫入官田壹畝叁分零伍毫年交租銀壹兩伍錢

國字號東塢塢田捌坵雷壩潭田壹坵共稅貳畝伍分

玖厘玖毫內給還田壹畝肆分柒厘玖毫入官田壹畝壹分貳厘年交租銀捌錢伍分

師字號立樣降田貳拾陸坵稅壹畝柒分捌厘柒毫內給還田捌分玖厘年交租銀伍錢

師字號後岡田捌坵西塢田壹坵疊塘均田捌坵蕎麥塢田肆坵四處共稅陸畝壹分伍厘內給還田叁畝零柒厘伍毫入官田叁畝零柒厘伍毫年交租銀貳兩伍錢正

師字號白炭灶田叁坵稅伍分年交租銀伍錢

陶字號西塢塘橫路田壹拾貳坵西塢塘翼田柒坵稅壹畝陸分捌厘貳毫內給還田捌分肆厘壹毫入官田八分四厘壹毫年交租銀伍錢正

位字號車頭山尾田柒坵郭山頭田貳坵二處共稅壹畝伍分壹厘陸毫年交租銀壹兩正

人字號石根田貳拾叁坵稅壹畝叁分柒厘壹毫年交租銀壹兩壹錢

帝字號瓦灶岡田叁坵大仙嶺漆柚塢田拾陸坵中馬肆厘壹毫入官田捌分叁厘年交租銀柒錢

帝字號大淤田叁坵稅叁畝柒分貳厘柒毫年交租銀貳兩柒錢
 帝字號郎當上坂田拾柒坵稅貳畝貳分捌厘捌毫內給還田壹畝壹分肆厘肆毫入官田壹畝壹分肆厘肆毫年交租銀捌錢
 帝字號招軍嶺脚田叁坵稅貳畝捌分陸厘玖毫年交租銀貳兩貳錢
 帝字號安民坑人家屋後田拾伍坵稅伍畝玖分叁厘年交租銀叁兩正
 帝字號洋下岡柳樹灣田柒拾叁坵稅叁畝柒分伍厘內給還田壹畝捌分柒厘伍毫入官田壹畝捌分柒厘伍毫年交租銀壹兩伍錢
 帝字號黃材塢田捌坵稅壹畝壹分肆厘陸毫內給還田伍分柒厘叁毫入官田伍分柒厘叁毫年交租銀叁錢正
 帝字號彭青塢田玖坵稅彭青塢蓬基田伍坵稅壹畝肆分貳厘陸毫年交租銀壹兩貳錢
 帝字號東墘田拾柒坵稅壹畝零叁毫年交租銀壹兩貳錢正
 帝字號裡荒塘田陸拾坵稅貳畝肆分貳厘肆毫龍根

田捌坵稅伍分貳厘陸毫源頭坂尾田伍坵稅壹分捌厘陸毫三處共稅叁畝壹分叁厘陸毫內給還田壹畝伍分陸厘捌毫入官田壹畝伍分陸厘捌毫年交租銀壹兩陸錢
 商字號烏頭山田柒坵稅壹畝捌分零貳毫內給還田壹畝零捌厘壹毫入官田柒分貳厘壹毫年交租銀肆錢
 果字號白坵降田拾叁坵大祠王姓眾山脚田貳坵三處共稅肆畝肆分肆厘壹毫年交租銀壹兩正
 李字號靛青墘田陸坵稅壹畝玖分柒厘內給還田壹畝貳分入官田柒分柒厘年交租銀陸錢叁分
 李字號水碓頂田壹坵稅壹畝叁分壹厘玖毫內給還田柒分玖厘壹毫入官田叁分貳厘捌毫年交租銀肆錢貳分
 李字號南青口田肆坵稅壹畝壹分貳厘伍毫內給還田陸分柒厘伍毫入官田肆分伍厘年交租銀叁錢
 李字號青坑頂田叁坵稅捌分壹厘玖毫內給還田肆分玖厘壹毫入官田叁分貳厘捌毫年交租銀貳錢陸分
 土名龍青菴田柒坵稅壹畝零捌毫內給還田伍分肆

毫入官田伍分肆毫年交租銀伍錢
 湯字號冲坵田叁坵稅貳畝陸分貳厘內貳坵冲塌剩
 稅玖分叁厘年交租銀捌錢正
 火字號柴家壠田貳坵稅壹畝壹分貳厘玖毫拍入官
 稅伍分陸厘肆毫年交租銀叁錢伍分
 土名木橋田捌坵木橋東邊田捌坵共稅伍分貳毫年
 交租銀陸錢
 人字號祝猪塘山嶺底田貳段叁拾捌坵稅叁畝零柒
 厘叁毫年交租銀貳兩叁錢
 土名黃荆恕田稅壹畝年交租銀壹兩
 服字號謝家淤地貳片稅伍畝叁分陸厘玖毫又溢
 稅肆厘肆毫又田稅貳畝伍分年交租銀壹兩伍錢
 收字號蓬裡墾田貳坵及菜園地壹片共稅壹畝捌分
 又水碓壹座肆股之一年交租銀壹兩正
 以上均係正誼書院撥入共田肆百捌拾肆坵共稅
 伍拾捌畝玖分肆厘伍毫地叁片稅柒畝壹分陸厘
 玖毫每年共收租銀肆拾叁兩捌錢正

寒字壹千貳百貳拾貳拾叁號稅貳畝叁分壹厘貳
 毫叁絲伍忽壹千貳百叁拾壹至叁拾叁號稅貳畝
 叁分玖厘柒毫叁絲玖忽土名降背共田伍坵又田
 內開塘壹口入田稅
 寒字壹百玖拾伍號土名菱笋塘牛腿坵田壹坵稅壹
 畝貳分玖厘叁毫又鄭家墩後門塘壹口稅壹分
 收字 千 全處塘貳口拍稅貳分
 收字 千 伍拾伍號土名對家山卜徐春田壹坵
 稅貳畝貳分玖厘
 日字 千 百 拾 號土名牛路田壹坵稅壹畝貳
 分伍厘 又塘稅肆厘
 日字 千 百 拾 號土名上洞尾田貳坵稅壹畝
 貳分伍厘
 日字 千 百 拾 號土名烏奉山底田壹坵稅柒
 分伍厘

以上係何錫霖等邀集城鄉捐貲新置為將來賓興
 之費共田貳拾貳坵稅壹拾捌畝伍分叁厘肆絲肆

忽外又塘稅叁分肆厘

附同善義塾田段稅畝

臣字叁百捌拾肆號土名大梗田即手中田壹坵稅伍
 分捌厘伍毫
 臣字叁千叁百陸拾 號土名阿塘塘井坵田底田壹
 坵又荒田貳拾稅壹畝零貳厘伍毫
 臣字叁千捌百捌拾伍號土名橫路山頭四秤田壹坵
 稅壹畝壹分壹厘叁毫
 劍字伍百拾叁號土名青塘塘四秤田貳號陸坵稅壹
 分零捌毫
 劍字伍百貳拾伍號土名同稅壹畝伍分玖厘壹毫
 臣字柒千貳百拾貳號柒千貳百拾叁號土名毛家塢
 深坵田貳號拍稅壹畝玖分玖厘貳毫
 臣字貳千叁百玖拾號土名周梗塢外塘底田今名門
 前捌秤
 臣字貳千叁百玖拾玖號同處木杓坵田壹坵連上號
 共拍稅壹畝壹分零叁毫伍絲
 臣字叁千肆百柒拾玖號土名水浸山底門前伍秤田

壹坵拍稅壹畝肆分捌厘伍毫

臣字叁千叁百肆拾號土名阿塘水路坵田壹坵稅捌
 分玖厘捌毫
 臣字叁千叁百肆拾壹號土名同田壹坵稅叁分伍厘
 捌毫
 臣字貳百玖拾貳號土名山根門前拾叁秤田壹坵稅
 貳畝叁分貳厘伍毫
 臣字叁百拾號土名下山頭伍秤晚田壹坵稅壹畝陸
 分伍厘肆毫
 臣字貳百肆拾捌號土名瓦山底玖秤田壹坵稅壹畝
 玖分玖厘伍毫
 臣字叁百零叁號土名山根門下拾貳秤田壹坵稅貳
 畝玖分伍厘柒毫
 臣字肆百捌拾伍號土名後車湖晚田今名半月湖田
 壹坵稅陸畝叁分柒厘
 臣字叁百陸拾壹號土名叁秤田壹坵稅壹畝叁分陸
 厘肆毫
 臣字叁百柒拾伍號土名大梗田今名荷花塘沿長条
 田壹坵稅捌分壹厘伍毫
 臣字叁百玖拾貳號土名大梗即朱家路頂田壹坵稅

巨字叁百玖拾叁號土名同田壹坵稅貳分伍厘伍毫
 巨字叁百玖拾柒號土名同田壹坵稅貳分陸毫
 巨字叁百捌拾陸號土名深坵田頂田壹坵稅貳分柒厘叁毫
 巨字伍百貳拾壹號土名殿前坂中貳秤今叁个貳秤
 稅陸分肆厘柒毫
 巨字伍百貳拾叁號土名同稅伍分陸厘
 巨字伍百貳拾伍號土名同稅陸分捌厘伍毫
 巨字壹百拾捌號土名烏王埕廟前上園秧田壹坵稅
 叁分肆厘捌毫
 巨字號土名抱雞娘田壹坵稅壹畝陸分柒厘伍毫
 巨字伍百零捌號土名下坂中佛殿前田壹坵稅伍分
 肆厘陸毫
 巨字伍百貳拾貳號土名同田壹坵稅伍分叁厘肆毫
 巨字伍百貳拾肆號土名同田壹坵稅壹畝陸分貳厘
 肆毫
 巨字伍百肆拾壹號土名大梗花坎後田壹坵稅壹畝
 壹分壹厘
 夜字捌拾陸號土名水路田貳坵又路面田壹坵稅壹

畝零肆厘叁毫
 光字肆千柒百拾柒號土名舍碓塘田壹坵稅壹畝貳
 分伍厘
 光字伍千叁百貳拾壹號土名官巢埕田壹坵叁股見
 貳拍稅壹畝伍分肆厘叁毫
 光字肆千陸百叁拾叁號土名泉井田壹坵稅貳畝肆
 分柒厘玖毫
 光字伍千陸百叁拾柒號土名後徐大門田壹坵稅壹
 畝叁分柒厘伍毫
 光字伍千叁百玖拾壹號土名官巢埕田壹坵稅壹畝
 零伍厘肆毫
 光字肆千伍百零貳號土名灰坵田壹坵稅貳畝零伍
 厘壹毫
 光字伍千陸百伍拾伍號土名官巢埕田壹坵稅貳畝
 貳分肆厘肆毫
 光字肆千肆百玖拾柒號土名官巢埕田壹坵稅捌分
 玖厘貳毫
 光字肆千肆百柒拾捌號土名同田壹坵稅貳分叁厘
 陸毫
 光字伍千捌百零貳號土名同田壹坵稅陸分肆厘陸

光字肆千肆百柒拾叁號土名官巢埝田壹坵稅壹畝
 陸分柒厘壹毫
 光字肆千柒百伍拾壹號土名後徐底田壹坵稅陸分
 柒厘玖毫
 光字伍千叁百玖拾捌號土名社屋山大門田壹坵稅
 玖分叁厘
 光字號土名菜園田壹坵稅貳分肆厘
 關字壹千零陸拾壹號土名官坂田壹坵稅叁畝玖分
 叁厘壹毫
 夜字伍百叁拾號土名大賢坂田壹坵稅壹畝伍分叁
 厘壹毫
 巨字壹千玖百柒拾叁號土名菴山底坂陸畝田壹坵
 稅壹畝伍分零捌毫
 巨字號土名溪沿田壹坵肆股見壹拍稅玖厘
 巨字號土名大湖田頂田貳坵稅貳畝貳分
 劍字貳千肆百陸拾柒號土名西源塢口埝口拾陸畝
 田壹坵稅叁畝陸分零肆毫
 劍字貳千零柒拾叁號土名柴秤田壹坵稅壹畝伍分
 零捌毫

關字壹千肆百捌拾貳號土名規頭田貳坵稅貳畝伍
 分伍厘壹毫
 珠字壹千伍百肆拾玖號土名賀村走狗墩田壹坵稅
 壹畝壹分伍厘
 珠字壹千壹百零捌號土名師公後門田壹坵稅肆分
 零肆毫
 珠字壹千壹百拾捌號土名同田壹坵稅肆分零壹毫
 珠字壹千壹百玖拾陸號土名師公大門田壹坵稅陸
 分叁厘
 關字壹千壹百叁拾陸號土名秋墩底田壹坵稅貳畝
 伍分陸厘伍毫
 關字壹千肆百柒拾伍號土名西連頭田壹坵稅柒分
 柒厘
 關字柒百玖拾玖號土名深坵田壹坵稅壹畝伍分零
 陸毫
 羌字壹千貳百叁拾貳號土名烏橋田壹坵稅捌分貳
 厘貳毫
 戎字玖百叁拾壹號土名余家山底田壹坵稅壹畝捌
 分叁厘陸毫
 戎字壹千陸百貳拾號土名新宅埝田壹坵稅壹畝捌

分玖厘壹毫
 羗字壹千貳百伍拾貳號土名藍家何羊塢田壹坵稅
 貳畝捌分伍厘
 羗字叁百肆拾壹號土名根竹塢壩頭坵田稅壹畝捌
 分玖厘
 羗字壹千貳百柒拾壹號土名下埧田貳坵稅壹畝零
 叁厘叁毫
 羗字壹千貳百柒拾捌號土名同田貳坵稅壹畝壹厘
 羗字壹千貳百柒拾玖號土名同田貳坵稅壹畝陸分
 伍厘壹毫
 羗字柒百零壹號土名黃茅山頭田壹坵稅壹畝貳分
 貳厘
 鳳字壹千貳百玖拾捌號土名嶺下埧口念秤確塘田
 壹坵稅柒分捌厘柒毫
 鳳字壹千叁百叁拾壹號土名嶺下埧拾捌秤田壹坵
 稅陸分叁厘捌毫
 鳳字壹千叁百貳拾玖號土名嶺下上大坵田壹坵拍
 稅叁分伍厘
 關字叁百玖拾壹號土名上坂橫路田壹坵稅陸分壹
 厘肆毫

崑字號土名上坂三角墾田壹坵稅壹分伍厘柒毫叁
 絲
 關字號同處墾田稅陸分零壹毫伍絲
 關字號土名上坂下路灣田壹坵稅柒分伍厘
 塘壹口拍稅柒厘
 欄塘壹口拍稅柒厘
 劍字叁千零捌拾號土名樂安塘底田壹坵稅壹畝零
 陸厘
 劍字叁千零捌拾陸號土名同田壹坵稅壹畝壹分零
 捌毫
 劍字叁千零玖拾陸號土名同田壹坵稅壹畝捌分伍
 厘
 劍字叁千零捌拾貳號土名同田壹坵稅貳畝柒分肆
 拍稅壹分
 樂安塘壹口拍稅陸厘
 樂安塘角塘
 壹口拍稅壹分
 鳳字壹千壹百貳拾號土名筆架山底田貳坵稅玖分
 陸厘柒毫伍絲
 藕塘壹口拍稅伍厘
 鳳字壹千壹百叁拾肆號壹千壹百叁拾陸號土名香
 裡塢田陸坵稅貳畝
 鳳字壹千壹百叁拾伍號土名同田壹坵稅伍分陸厘

伍毫
鳳字壹千壹百叁拾柒號土名同田壹坵稅壹畝伍分
陸厘柒毫
號字拾肆號土名山塢塘底田壹坵稅柒分
號字叁百拾叁號土名山塢塘田壹坵稅肆分壹厘
號字號土名同田壹坵稅叁分陸厘伍毫 山塢塘叁
口拍稅壹分
劍字叁千壹百貳拾伍號土名後宅坂四方坵田壹坵
稅壹畝捌分陸厘叁毫 樂凹塘壹口拍稅貳厘
關字壹千貳百捌拾壹號土名賀村西河沿田壹坵稅
玖分玖厘肆毫伍絲
關字壹千肆百拾叁號土名塘卜坵田貳坵稅壹畝玖
分柒厘壹毫
關字壹千肆百叁拾捌號土名小橫坵田壹坵稅壹畝
叁分陸厘柒毫 塍底塘壹口 豬腰塘壹口共拍
稅叁分
巨字壹千陸百伍拾叁號土名塢裡外坂田壹坵拍稅
捌分伍厘柒毫伍絲
關字壹千陸百玖拾肆號土名前坵田壹坵稅壹畝捌
分叁厘柒毫

劍字陸百貳拾柒號土名徐家塢卽下大坵田肆坵稅
肆畝貳分貳厘捌毫
劍字號土名龍交頭田陸坵稅貳畝叁分肆厘陸毫
塘壹口拍稅貳分
劍字伍百玖拾壹號土名山頭塢坵田壹坵稅壹畝貳
分零玖毫
劍字陸百拾號土名同田壹坵稅壹畝
劍字陸百拾壹號土名同田壹坵稅捌分
劍字號土名椰柚項田捌畝稅貳畝捌分
劍字伍百叁拾玖號土名龍交頭田壹坵稅柒分伍厘
劍字伍百肆拾號土名同田壹坵稅叁分陸厘陸毫
劍字伍百伍拾號土名同田壹坵稅叁分肆厘叁毫
珠字壹千陸百貳拾柒號土名大路底叁角坵田壹坵
稅壹畝柒分柒厘
珠字壹千陸百拾肆號土名大路底田叁號稅貳畝
陸號土名大路底田叁號稅貳畝
珠字號土名下溪灘水路坵田壹坵稅壹畝伍分捌厘
捌毫壹絲
關字壹千零貳拾號土名橫湖下叁角坵田壹坵稅捌
分零陸毫

關字柒百柒拾壹號土名拾秤田壹坵稅貳畝伍分壹厘
 珠字玖百柒拾叁號土名埤外拾叁秤長坵田壹坵稅貳畝壹分壹厘肆毫伍絲
 珠字號土名拾叁秤田坎後田壹坵稅叁分
 號字叁百拾玖號土名山塢田壹坵稅壹分伍厘玖毫
 號字叁百貳拾號土名同稅貳分柒厘捌毫
 號字叁百貳拾壹號土名樹底田貳坵共稅伍分柒厘伍毫

以上係王開泰捐助田共稅壹百肆拾陸畝叁分玖厘玖毫肆絲捌忽共田壹百壹拾柒號大小壹百叁拾陸坵外共塘壹拾伍口稅壹畝叁分柒厘

劍字叁百伍拾肆號土名龍爻頭田稅玖分玖厘陸毫
 劍字伍百叁拾伍號土名同田稅壹畝肆分陸厘伍毫
 劍字伍百貳拾捌號土名同田稅玖分捌厘玖毫
 劍字伍百貳拾玖號土名同田稅捌分伍厘捌毫

劍字伍百叁拾號土名同稅捌分柒厘捌毫
 劍字伍百肆拾肆號土名同稅陸分伍厘捌毫
 劍字伍百肆拾伍號土名同稅壹畝肆分肆厘陸毫
 劍字伍百肆拾陸號土名同稅陸分貳厘肆毫 扞塘
 貳口稅伍分
 劍字陸百叁拾號土名徐家塢上大坵田稅叁畝伍分貳厘伍毫
 劍字陸百叁拾壹號土名同田稅柒厘貳毫
 劍字號土名青塘壠田大小叁拾壹坵壑稅陸畝
 劍字肆百肆拾捌號土名上山沿田貳坵稅玖分貳厘貳毫
 柒分叁厘叁毫
 拾 號土名灰灶頭卽犬山下田稅
 拾 號土名同稅肆分叁厘
 拾 號土名同稅叁畝玖分捌厘
 拾 號土名石馬頭田貳坵稅貳畝肆分陸厘捌毫
 拾 號土名交壩田貳坵稅陸分壹厘陸毫

劍字陸百貳拾貳號土名水碓基田稅叁分
 劍字千百拾號土名石馬頭溪沿田稅柒分
 以上係王何氏捐助田共稅貳拾柒畝陸分陸厘伍
 毫共田壹拾玖號大小伍拾叁坵外共塘貳口稅伍
 分

附鎮安同善義塾各項租額

崇文兼備荒額租貳百肆拾壹碩貳斗叁升伍合

濟溺額租壹百念貳碩玖斗伍升 撥貧額租拾陸

碩柒斗 禁宰額租陸碩叁斗 濬泉額租叁碩貳

斗

江山縣志卷之五

秩祀志

明則有禮樂幽則有鬼神此先王神道設教而祀典
 所由修也大祀中祀羣祀載列會典尙矣其諸不在
 祀典者非淫祠亦莫敢廢志秩祀

壇壝

神祇壇 在縣南三里 正德志 按神祇壇舊名風雲
雷雨山川壇嘉慶十六年奉文

改今名

社稷壇 在縣北五里 正德志

先農壇 在過溪王家地方

國朝雍正五年知縣汪準奉文建立壇宇并置籍田四畝

九分浙江通志

邑厲壇 在青霄橋右舊志

廟祠

城隍廟 在縣治西五十步宋紹興間知縣魯嘗重建

咸淳間趙時韶重修元大厯三年縣尹程郇重建按

應祥記作明嘉靖間知縣侯祖德重建萬厯十年知

縣易做之造省心亭於正殿後十九年知縣張斗重

建大門三十八年知縣程鵬舉鼎新

國朝康熙十七年燬二十年知縣劉漢裔飾棟宇迎神像

居之三十八年知縣朱彩建大殿及兩廊汪浩志 乾

隆二十年知縣劉國烜重修二十九年知縣雷士佺

重新姜稔鎮陸上眷毛一豐等董其事宋成毅志 嘉慶

十五年知縣吳觀樂重建道光三十年知縣吳春棠

重修並置餘基添造旁屋咸豐八年兵燹後殿屋半

圯同治七年知縣陶鴻勳擇要修葺迄今未復舊制

明方應祥重建輔德城隍廟記須江輔德城隍廟踞縣治西五十步而近按所建置莫可詳詰其有於饒石差可考者一見元至順三年縣尹程郇碑一見國朝嘉靖三十三年信人胡賓碑萬厯三十七年十二月程侯來令茲邑廟寢而圯頽垣敗壁神棲其中侯心恫焉酬酒而誓之神曰余與神并吏此土不職之罪實有與共今而後所不為民請命申之以陰陽之患神任之所不清身附民聽神之命中之以人道之

患余任之神頤垣敗壁而處余為崇墉聖室以負神
神為民相余毋中陰陽人道之患以共奠此土仍以
頤垣敗壁棲神余獨任之候下車四載早夜圖民之
生五氣不好境內用穆政成而奏其最於帝神之廟
亦巍然新焉出之候則糶脯所節溢也藉之民則金
矢所樂輸也耐神而供者桐鄉之尸祝在焉經始於
三十九年之六月歷明年而竣董其事者
義民鄭煦王應春毛通徐實徐蔡等也

禮賢城隍廟 距今縣治西南四十里唐武德初置須

江縣宋咸淳間改名禮賢即其地也元至元丙子徙

縣治而城隍之廟猶存迄今四百餘年肝蠻最著汪浩

志

舊文昌廟 在城東通昌門外嘉慶十三年邑紳士鄭

學濱等捐建咸豐八年燬於兵燹

文昌廟 在縣署東二十步同治十二年建

關帝廟 在縣署之東明萬曆十五年署縣通判王松

建

國朝康熙三十三年知縣楊憲重修汪浩 乾隆間邑人

重修同治三年邑人毛鳳翔楊培福等募修

仙霞嶺關帝廟 康熙十六年燬十七年總督李之芳

重建仙霞嶺志

禮賢關帝廟 在中街里人姜繼成建汪浩

關王廟 明萬曆三十六年邑人徐伯美於寶成寺左

捨地創建今廢汪浩

岳王廟 在縣城南通和門內九連池東建於元旋燬
明隆慶五年邑人王修重建

國朝咸豐八年復燬同治五年邑人王桂林等募捐重建

周王廟 一在城東通祿門外嘉慶二十一年邑人周

黃瑜等建今燬 一在梧峯里人吳祿應建按衢州

府志神孝子也周姓雄名字仲偉杭州新城人宋淳

熙間其母夢金盤浴鯉而生因哭母卒於衢僵立不

仆衢人奉其身建廟祀之屢著靈異元至元中封宣

靈王

國朝毛兆鏞謁周王廟詩孝德著英靈廟享天地久望之
立如齋體膚猶全受入山採藥初攜歸療其母母病

不少延訃聞柯江口一慟殞舟中遺恨親恩負號泣
痛傷情鬻船殞殮厚累朝翼應功晉封拜前後神龍
浴金盤誕降良非偶吾儕毛裏人孺
慕性生有萍水客他鄉寢門知安否

江郎廟 即靈石廟 在江山南五十里文思博要云有江姓

三兄弟登其巔化爲三峯因名焉湛滿者其子仕洛

遭永嘉之亂不得歸滿使祝宗言於三石之靈能致

其子靡愛斯牲旬日中湛子出遊水邊見三少年使

閉眼入車中但聞去如疾風俄頃從空墜乃家中後

園也 方輿勝覽 靈石廟在江郎山陰大觀四年賜廟額

靈石 宏治府志 政和四年封爲侯曰靈澤靈順靈浹建

炎二年封廣澤豐潤惠浹乾道四年封博濟周施普

洽慶元三年加封孚祐協祐廣祐汪浩志

國朝道光十三年里人毛華募捐重建

采陳淳題江郎廟詩三石參天作柱擎自從開關便崢嶸何為未俗好奇怪盡道江郎魄化成

永和廟 在北關明萬厯間署縣同知陳端言建大門

知縣蔣光彥建正殿汪浩志

國朝道光年間重建今圯

感應廟 俗名大功廟祀徐偃王在縣境者凡十餘處

惟雙橋之廟附城今存廢不可盡考天啟志

龍王廟 在石鼓山中旱禱者甚眾天啟志

嘉澤廟 宣德間主事胡城記正德志 在瓊源寺旁旱

禱立應汪浩志

國朝嘉慶年間邑人建廟於縣城大西門外咸豐四年知

縣鄭廷珪重修今燬按廟奉龍神事見叢談

馬仙姑廟 在仙人山天啟志 梧峯里人吳英建

國朝同治五年吳姓裔孫重建

國朝宋晟馬仙姑廟詩片石留靈跡危祠俯大荒風雲扶絳節薜荔倚明粧暝色春旂迴清陰午幔涼瓊環空杳杳終古想芬芳

鎮龍廟 俗名水口殿在九連池第四池邊南門徐姓

建丙午徐九皋捐貲倡造層樓天啟志

寶瓶廟一作保平 在通昌門外邑人王裕等建今燬天啟志

東鎮廟

今作鎮東樓

在上埠頭順治十一年建

汪浩志

馬刺史廟

在縣南三十五里裏坂神名咸嘗任滑州

刺史

宏治府志

水星廟

在廿八都同治七年里人建

康王廟

在嘉湖中街乾隆三十二年姜淑甯建同治

二年里人重修

東嶽行祠

俗名東嶽廟

建安田顯宗記

正德志

在景星山

下明嘉靖間邑人鄭雍程相毛貴蔡貨毛伯恭王可

立王達徐瓊重建天啟三年知縣張鳳翼重修

汪浩志

國朝乾隆五十七年知縣苗肇岳重修道光年間邑人王

丙奎等勸捐重修

國朝鄭恒年過東嶽行祠詩小憇松關淡俗氛暮春天氣

暖風薰僮吹短笛閒烏特僧掛殘衣補白雲萬朵聯

頭排亂石一泓沈骨弔忠墳阿誰悟到金輪劫剩有空龕長薛紋

廣惠行祠

在東嶽行祠南

汪浩志

倉聖祠

在城東通昌門外文昌廟東祀倉頡道光十

二年邑人柴櫃等捐造今燬

張仙祠

一在寶成寺東側明邑人徐言建一在石門

騎馬尖下明邑人趙海建今俱廢

汪浩志

小江郎祠

今名多福寺

榕城詩話江山縣近嶺處地名清

湖土田肥沃風俗茂美人家環山帶水豆畦薑棧幽

徑演迤石梁東西兩廟廟各有金鑪十數春秋割豕
賽神合樂徵舞土人以爲祈穀禳疾之地臨江有小
江郎祠在石厓上林木虧蔽下罩江水中石牀石
几清潔無塵埃過客多染翰壁間汪浩志 同治三年

燬五年里人毛豐等捐建

國朝劉佳多福寺詩一峯忽飛來截江作峭壁波濤激其
根下有蛟龍窟布金始何年滿眼炫丹碧偶來休篋
與散髮情彌適滌耳就風蟬結跌選苔石霏霏水氣
涼浩浩江天白側聆漁者謔近引鳥羣拍門雖車馬
喧境自塵囂隔嗟爾
觸暑人勞勞事行役

舊忠義祠即張睢陽廟 祀唐忠臣張巡明待御王道重修

浙江 在景星山下汪浩志

明方豪忠義祠記石汀公以監察御史奉簡命按部
至江山縣聞有張中丞廟而謁焉伏起之餘駭塑貌
甚異以詢江山徐令萬璧令對曰是俗所謂厲鬼象
者矣公嘆曰厲鬼之云張公一時之憤耳而乃附會
至此不易之何以醒俗况廟宇漸傾崇奉未愜乃以
語衛守林君以永徐令既承公命復領郡檄早夜經
營旬月之間變俚爲雅更故作新廟貌俱隆井
邑改瞻林君大書忠義祠伐石爲碑特書其事

崇賢祠 在城西步鰲山目連洞祀宋儒逸平徐先生
諱存字誠叟歲以春秋仲月諏日致祭明正德十四
年知縣吳仲撥田五畝供祀嘉靖二十一年知縣黃
綸增田五畝舊以逸平書院爲祠今圯

國朝乾隆六十年訓導蔡英集邑紳何堂毛錫浩等勸捐
重建始名崇賢祠並以宋太學正周賁大理寺正柴

衛御史中丞鄭升之翰林博士周孚太學生正節徐
應鏞明德王府長史周積六人附兼修葺先生墳墓

及正學書院增置祀田壹拾陸畝零今田稅壹拾柒畝玖分肆釐捌

毫文地稅壹畝伍分塘稅壹分咸豐八年燬

國朝蔡英崇賢祠記乾隆五十五年英司訓茲庠訪邑之
先賢僉稱宋大儒徐逸平先生固紫陽朱子所欽仰
而師事者也今墓在而祠已圯其遺址在城西步鰲
山目連洞上乃集同人醮貲聚材先葺墓次建祠仍舊基正殿三楹旁室二楹前左右翼室各一乙卯
鳩工丙辰落成丁巳二月奉先生之主而敬奠之配
以先生及門同邑高弟四人及徐正節先生周二峯
先生共六人顏其額曰崇賢當日任事者國學生何
堂毛錫浩等也

國朝姜啟元逸平先生祠詩盡說當時吾道南巖棲屢駐
大夫驂傳經無愧楊中立求友頻過朱晦庵日落荒
碑寒巖巖徑埋香草暗迤藍我來憑弔鰲峯下露冷

霜高楓半酣何茹達逸平先生祠詩憑弔無端感
廢興辨香何處問師承龜山澤遠人難溯鰲嶺祠荒
客尚登講席雨添閑草蔓頽垣風引野花藤傳經也
許追芳躅獨闢微言愧未能毛元坤逸平先生祠
詩先生生宋室抱道無人知一水流香處兩賢識面
時立身騎日月遺碣卧蛟螭憑弔西風下荒涼剩古
祠

大義祠 舊在縣後祀宋正節先生徐應鏞明正德十

四年提學副使盛端明徙通衢門內浙江通志在通安

門外歲以春秋仲月諏日致祭明正德間知縣吳仲

撥田五畝供祀嘉靖二十一年知縣黃綸增田五畝

汪浩志

國朝道光年間邑人重建於城北水星樓左咸豐八年復

燬

明舒芬大義祠記故嗣而有扈拒甘武與而伯夷叩
 馬夫豈昧於天命者哉君子曰語道者不以天語義
 者不以命非不知敬之敬承為天與也懼後世非其
 人或得以據神聖之位豈不知武德之聖而非諫之
 懼後世臣子一動於利將藉此以行絀逆而無所忌
 憚嗚呼二子當三代之盛猶將亡國殺身以為名教
 之計烏知百世之下事尤異於是哉方元伯顏入臨
 安盡俘三宮百官諸生以比惟公呼其二男一女訣
 奠於岳武穆王祠誓不與俱以火不克死復以水乃
 死嗚呼擬公之忠則文天祥張世傑諸公盛矣而公
 不在其位擬公之節則李芾趙昂發諸公壯矣而公
 不在其職我將擬公以魯仲連不肯帝秦之義而行
 之亢烈則十倍於魯連也自非蹈道之素烏有此舉
 以回日月之光耶公之風蓋不在伯夷下也舊有祠
 在縣治北正德己卯武進吳亞夫改建於通衢門內
 之東亞夫之政以節義教化為急務如近日宸濠之
 亂人多觀望惟亞夫與進賢令劉汝澄首正逆賊之
 名則夫是祠之建也豈徒然哉十月望書來閩屬芬

記因憶成化中匡山建祠文張陸三公陳白沙題曰
 大忠祠是祠舊因公謚今改曰太義庶足以表公之
 心也夫 案原記舊志係節錄今據明文奇賞補正
 明李攀龍謁徐正節祠詩桃菊何勞問楚巫稜稜霜
 氣寄青蒲時危烈士乘箕屣事去孤臣泣鼎湖八口
 全忠青史永千秋正氣紫霞扶不知故國西陵月猶
 照亭臺 俎豆無

方公祠 在市心街祀明署縣宣城方先生諱召字虎

鄰明末殉節有傳每歲以十月十三日誕辰致祭

志

雍正二年知縣王不黨改建於儀門外右側乾

隆三十年知縣楊椿改建於東廊後三十八年知縣

宋成綏重新增建照廳樓臺并於頭門外兩旁捐造

鋪面十間又清查出丞署東舊夏天樓基地及基西

歸公官地原建官房修改鋪面六間後房數間并各
董事捐贖丞署西官基前後住屋俱改作鋪面歸祠

收租永為歲修祭祠之費宋成咸豐十一年燬同

治九年重建正殿按祠內鋪面租息向歸

國朝劉侃方公祠詩義旅從天下孤臣獨守忠書牌銘大節懷印凜英風止水千秋列羅磯百代雄遺民思報德歲歲賽神宮

余公祠 在縣北二里寶成寺側廳一所兩廊門及店

面五間公諱一龍有傳汪浩祠有董事等經理乾

隆四十一年重修宋成

明趙鏗余侯生祠記江山自昔號稱難治持牒而訟者日以百每牽連人命以期必勝由此破家者相屬

也侯思易其弊而先以禮義開導之其諸涉人命反
坐之而刁訟始息俗多逋負民動以糧長為苦為官
吏者又輒以空批起解任其典鬻不卹侯盡革之而
糧長無苦里甲歲輸丁田錢於官以充經費曰均平
官操其奇贏而出納之有從而利之者有用度弗節
而不給者侯沛然有餘歲具贏數報於上官仍以散
諸里甲初下車聞邑册籍漫不可詰曰欲盡革茲弊
必自丈量始姑以稅為準飛者與受飛者皆役之而
弊稍殺矣其審編也舊皆委之積胥因緣為奸侯先
期取籍藏之屆期躬自編簽一胥不與焉自是役始
均縣故多盜侯治盜無免者自是盜始息尤留意學
校初蒞即新學宮及景星百祐兩塔縣故無城侯築
之不半載而成至處義烏之兵其功尤偉先是福建
調兵於浙假道焉歲久分番漸肆攘奪至往歲而仙
霞之變亟矣侯答其兵而弭其變因以改道請於上
官自此江山永無憂侯性淡泊清苦與寒士無異每
出舍市饗殮自給騶從肅然民不知其為令而爭親
之曰我父母也侯亦自忘其為令而撫之曰吾赤子
也嗚呼有赤子去其父母而弗思者耶
因刻之石以比諸甘棠以告諸我子孫

邵公祠 在縣北二里寶成寺後廳一所兩廊門店五

間公諱仲祿有傳 汪浩志 祠今廢 按

明黃汝良邵侯崇報祠記郡丞李鵝湖公署邑篆過祠下從者指曰此邵侯生祠也李公諱民思侯狀父老對曰邑地僻多瘠田稅多浮而徵賦稍艱侯蔬食肩輿躬親丈之田額奇贏申請折減而民之累以蘇未盡知學侯則徧置社館擇師以誨俊秀而復召學宮弟子員會文藝勤品題註四書講意以端士習而文教益暢又立鄉約朔望誨子弟以孝弟孜孜下詢民瘼片善必獎常自言甯為循吏毋為能吏而四方日知興行奸吏舞文豪民武斷侯罷斥數十輩民始帖席儲穀濟饑除道柔遠皆其著者非祠何以垂永久李公曰善率先為捐俸置田若干畝以充奉祀父老大悅請鐫之石

薛公祠 在縣北二里與大義祠對廳一所門三間公

諱夢雷有傳 汪浩志 祠今廢 按

易公祠 即懷棠祠 在步鰲山廳一所左右廳各一所今廢

公諱倣之有傳 汪浩志 乾隆六十年訓導蔡英勸捐

重建並增祀六人咸豐八年復燬

明鄭一鵬懷棠祠增置祀田記沛上紫垣張君斗令茲邑登步鰲祭逸平事畢謁懷棠祠敝者新之缺者完之左右構廊榭墉垣視始創尤偉麗士民樂輸置田務為勿墜計田在步鰲山門及騎石嶺下紫微觀後計租六石給僧可論盛慧耕之贍守奉備修葺餘在十二等都土名桑於諸處計租存儲首事者主之歲充租豆之需黃汝良懷棠祠記懷棠祠江民懷邑侯易公而建以尸祝之者也祠在步鰲山正學書院之後公故御史風裁峻整以他事左遷江山令其言曰御史務在激揚宜一切以柱後惠文從事令奉法循職耳且吾終不薄令而棄民故其治要在坦易而廉平使人人得所欲世之遷客傲吏往往厭薄卑瑣視令若不屑大率秦越其民亦秦越報之乃公之秉憲若彼而其為令優優若此後之觀是祠者其

亦足以風矣

張公祠 在縣治後萬曆四十七年燬於火公諱斗和

易近民民甚德之汪浩志

蔣公祠 在縣北二里寶成寺側廳一所門三間一在

九清橋側一在鹿溪橋側今皆圯公諱光彥有傳汪浩志

堵公祠 在縣北二里北關上廳一所門三間初名樂

育館今圯公諱維垣有傳汪浩志

程公祠 在城隍廟右今燬公諱鵬舉有傳汪浩志

忠義祠 在縣城安和坊街同治七年奉文捐建祀咸

豐八年以後粵匪竄境官紳義民團練殺賊陣亡殉

難者

附 寺觀庵院

海會寺

古僧會司

在縣西南二百步初禪師晉良卓錫於

此梁天監十八年縣人徐殷捨宅為寺廬山僧義隆

寓此有白蛇銜花聽經之異賜名龍華宋祥符元年

改今額紹興七年重建佛殿明宏治乙丑燬僧宏溥

重建

正德志

明正德丁卯重建

汪浩志

咸豐八年兵

燹後僅存寺門及正殿

宋程俱海會寺詩萬杉堆青沒山骨雲埋七峯時出沒飛泉拂石瀉哀湍下有萬古蛟龍窟窟頭睡熟呼

不起地圻三年蝗蝻出千山脈理漬清甘一罇涓涓
流石液同遊况與惠詢輩納履振衣何勃率大門當
前新築道跨水曲欄欵笑兀春鳴轆轤趁朝炊水剛
懸流機械發措筇對此自三嘆抱甕老人長搢搢却
坐幽堂忽浩歌回首已失西山日

寶成寺 在縣東北一里舊為尼院名紫竹林吳越時

建宋祥符元年賜今額宏治府志 大觀二年邑人請易

為僧刹正德志 明正德丙寅建大雄殿萬曆戊寅僧

員星建兩廊鐘樓汪浩志

國朝嘉慶九年邑人重修咸豐八年兵燹後僅存大殿

國朝毛羽豐春霽遊寶成寺詩香刹何年啟招尋不憚遙
萬峯青映郭一水綠平橋花氣簾前度鶯聲雨後嬌
老僧談妙詣
塵慮自能消

施水寺 在縣南二百餘步大街之西梁天監十八年

建明成化間重建府志 在海會寺上明邑人戴均澤

建并捐田租旁立永思堂以祀其先汪浩志

國朝道光年間戴姓裔孫復增建前殿

仙居寺 在縣東南四十里舊名靈岡有水簾洞諸勝

府志 宋至和二年僧雲隱重建正德志 宋王安石嘗

讀書寺中後勅賜今額寺田舊為豪右所據明毛端

簡公勸諭復還萬厯間僧印星建大殿石臺天啟志

明趙鐘仙居寺復田記石門十里之南有寺曰仙居
四山環翠萬木蒼鬱水簾洞當其前泉聲松籟隱隱
雲間仰觀俯聽恍若揖安期僊佺而與之逍遙也故
名之曰仙居云寺有懷舒閣相傳王荆公舊所游學

有水簾洞諸詩可考毛氏故居在清漾去寺而近其
先君子如諫議諸公幸考槃焉今故大司寇介川毛
公未第時嘗讀書其中及登嘉靖壬辰進士復請告
而歸留連者二載論者謂公詩句清峭諸作迥麗實
山川有助焉丁卯秋公由南太宰請告於家將拉余
至寺為詩壇僧戒遠者以傾圮告公亟詢其故則曰
糧重吾不能賠田屬諸他人久非寺有矣公心知其
為同族也亟請而語之未喻則示之以法眾始唯
自是田盡復僧始有固志諸傾圮亦駸駸使刻諸石
然矣余悲公之不可作也為述其巔末使刻諸石
田若干畝今歸復若干畝先任邑侯見田余公給與
執照而公復親書於其後永為茲寺左券因備記之
仍列其數於碑陰且以戒諸僧曰今而後敢有不
守戒行再驚茲田者眾共逐之仍請治以重法是亦
公之意也

采毛注仙居寺詩瀟灑仙居院樓臺烟靄中夜泉清
浸月午鐸冷搖風轉目已成昨累名俱是空一尊林
下醉此興與誰同王沂仙居寺詩丙山六月火雲
蒸渴想滄沱一片冰回首家山林下寺水簾深處定
中僧明毛集過仙居寺詩幽徑斜通紫翠房小樓

深樹帶嵐光山纔入眼青相對話自逢僧淡亦長水
澗晴分秋月白天風晚度石雲涼浮生已覺幽棲穩
何事塵游未息繮毛騏暮秋訪弟伯安讀書仙居
寺詩仙居迤邐緣溪入松竹陰森梵宇開崖挽天河
翻碧落洞懸烟鎖鎖蒼苔疏鐘夜報千巖寂林狹寒
吟萬壑哀知有仙郎猶苦學青藜長照讀書臺毛
允讓登仙居寺介亭詩漸入千山窄登臨萬象開水
簾懸暮雨寒濕應春雷穴隙凝鐘乳雲根露剝灰憑
虛人境寂幽鳥自頻來毛育魯宿仙居寺詩塵埃
杳杳笑浮蹤獨宿深山萬慮空夜久細吟僧定後一
溪流水月明中

國朝揚世倚仙居寺詩偶訪仙居與不慳杖藜徐步叩禪
關門迎瀑布千尋水地接江郎一簇山鳥道僅容游
展度虬松長許老僧刪數聲清磬雲間出暮色蒼茫
客倦還鄭鏞晚過仙居寺詩暮色橫林杪禪房客
到邊泉鳴僧定後花落雁歸時破瓦青蓮界殘碑白
紉辭此間堪入靜懷古重淒其王樾仙居寺詩入
寺秋山靜登臨夕照陰暗泉流斷壁喬木下驚禽謝
客遊能到支公隱未深徒將後來意遙向白雲吟
成廷楫借毛宣伯遊仙居寺詩山寺盤紆入僧迎古

道邊臺高環翠嶂壁峭挂寒泉怪石疑蹲虎虬松欲
 攫天舒王會寄跡斷碣繡苔錢陸上青仙居寺十
 景詩水簾洞云雲鎖松梢月照門水簾洞口捲黃昏
 滿前翡翠翠無人惜草色青於石上痕懷舒閣云舊
 閣空傳姓氏王人琴與世並幽荒半山古迹今猶在
 風滿疏簾月滿堂毛鶴冲仙居寺詩曲曲清溪面
 面山山溪盡處闢禪關探奇共說仙源近涉趣偏知
 覺路閉竹裏幽聞鳥語崖前翠簇識蘿攀繞門流
 水何須問自有孤雲與往還楊奏瑟仙居寺詩合
 沓奇峯峭輪困老木蟠綠雲生枕席飛翠繞闌干谷
 暗晴疑雨山深暑亦寒避喧兼避俗聊得碩人寬
 采培殘衲居寺詩大地河山一泡浮慈雲法雨問來
 由衣殘舊衲松為貌讀罷黃庭石點頭歸客聞從禪
 界駐俗心靜向佛門收世間多少癡頑漢也聽晨鐘
 喚汝不鄭恒年仙居寺詩上仙今不遇即此是仙
 區竹木干叢次雲巒四壁圖空山咽流水白飯餉僧
 厨試覓舒王迹殘碑半草蕪葛中野服叩禪關烟
 毛愷夏日寓仙居寺風入松詞葛中野服叩禪關烟
 霞僻性耽紅塵隔斷三千里長日內倚遍欄干看瀑
 半空飛雪聽松六月俄寒瑶琴何處寄幽彈寶鼎

麝香殘北窗一枕曹騰睡榮枯事夢破耶耶病骨真
 同鶴瘦疏踪不讓僧閒毛大鵬春日過仙居寺踏
 莎行詞綠樹鶯嬌翠堤沙軟山行不厭芒鞋遠浮踪
 暫駐叩禪關一庭春色榆錢滿篆冷紅猊茗香碧
 梳閒情頓覺尋芳緩蒲團靜
 坐悟無生流泉聲裏斜陽晚

濠源寺 縣東南六十里晉天福七年建寺有龍湫石

注浩

宋呂求中藏聖書於濠源寺記慶曆中臣高祖秦國
 公謚文靖臣夷簡病不能朝仁宗皇帝剪髮封以聖
 書賜之文靖力疾手表西北機事及薦范仲淹富弼
 韓琦等人以次召用聖書舊刻石在鄭州管城縣先
 塋懷忠薦福禪院南渡以來沈沒盜區止存墨本追
 念先世遭遇昭陵盡瘁圖報感嘆泣下謹以模刻珠
 以堅珉藏之江山縣濠源善政禪院庶圖不朽建炎
 四年九月甲子從事郎特差衢州江山縣令主管勸
 農公事臣呂求中謹記
 明胡誠重建濠源寺記濠源江山之勝地也石晉時

雪川有僧法誣師道行超卓來遊斯地愛其山水廻環風氣凝聚遂結庵入定久之軍民信嚮尤眾乃崇構殿堂象教大興值歲旱眾叩於師為之禱相傳寺下龍湫有龍蠢於盤石上雨遂大作厥後歲時早澇有禱輒應天福間召師至錢塘賜號通濟大師寺額曰瓌源善政保安禪寺復勅龍為嘉澤通惠王以衛佛教國朝永樂初野燒延於麓殿宇灰燼寺田皆為他人有宣德三年僧會南宗紹念寺廢久得天甯寺僧文淨俾興復之文淨號天鏡執行峻特遂捐衣鉢之贏經營謀畫復其田又得者士徐君仲朔為護乃伐木葺土用拓其址重建殿宇視昔規制蓋倍焉工始於宣德己酉訖正統戊辰慮後來者或昧始末是用著之石以示悠久

采柴元彪遊瓌源寺和韻詩游人剔蘚認堅珉誰是開山第一人知有法誣留虎錫原來瓌叟是龍神雲屏翠列懸崖樹雪瀑聲飛斷壑津又見生公重說法祖師巖下草長春

國朝祝芝馨瓌源寺詩山中清淨域世外覺王家甘露侵衣冷危檐出樹斜香微薰貝葉色妙寫蓮花冥坐聞鐘磬庭昏集暮鴉

保福寺

在縣南四十里

宏治府志

在鎮安宋元豐六年

建明萬曆二十年重建殿前有羅漢松二株蒼鬱若

虬龍宋時物也

汪浩志

宋秘閣司典徐程捨基建初

名經堂法院元豐六年裔孫徐琬等改造正殿始易

今名又造清風亭於側內有正節先生墓并遺像

寶陀寺

即左坑寺

元至正八年建尋燬明萬曆間重建

天啟

國朝康熙間知縣汪浩改左坑為左窩

明施幼學寶陀寺詩野路通深谷禪關幾度游薜蘿巖石古風雨佛堂幽說偈驚龍鉢逢僧幻鶴洲相看回首處翠竹野花秋

國朝金紹昌左坑寶陀寺詩寶陀何代寺鑿翠倚巖壁回

峯相蹙抱靈閣此藏齋修篁不見天危閣坐相逼何
 來兜羅雲一墜化為石山風吹不起景狀如蕩激其
 旁豁豁舒其上挂蘿薛玲瓏窺乳竇空響時滴瀝微
 聞素女絃清泛出虛寂洞壑杳然深仙靈邈難覲
 奚亨筆宿左坑寺詩桃花爛漫柳花飛著屐尋芳傍
 夕暉谷口雲封僧獨坐松梢月上鶴方歸三春芒屨
 憑誰誤一夢蕉窗知昨非此際棲遲殊不厭青山薛
 荔笑征衣王錦靈左窩寺詩山重水複野心怡曲
 徑通幽客到遲數仞翠屏和月卧一泓香鉢帶雲移
 法華雨過三千界粥鼓敲殘十三時幻態巖邊看不
 盡留題深愧色絲辭劉佳左窩寺詩行行見招提
 幡竿山際出夾道花丰茸翳門竹葉密穹梁白蝠飛
 古甃蒼苔蝕千絲佛面蟲萬足僧衣蹻辨香湖法王
 我亦九天謫過去未來因何處共省識恬水愁波瀉
 坦衢畏荆棘豈無香火情乞與慈悲力佛也不能言
 如聞長太息再拜擲靈筮吉語賜第一禪羅解留客
 瓦盤薦山栗侑以綠雪湯煩襟襟覺
 盡滌我恐驚山靈有詩勿題壁

真巖寺 在縣西北登真巖下以女冠詹妙容修煉上

昇得名唐末乃為僧刹宋元祐中郡守沈祖德命僧

以珪遷於半山大觀二年賜額正德志 明萬厯間重

建汪浩志

采趙拈真巖寺詩一炷清香一解顏幾生修得在林
 間朝無事也夕無事坐看山兮行看山梅玉破香供
 宴寢松風奏曲度禪關靜思四海五湖客雖有黃金
 無此閒明林聰真巖寺詩秋風旌節下江陽駐馬
 夷猶謁上方馴鳥不隨人影散曇花偏落客衣香真
 巖宿靄浮山殿古澗飛泉近石牀早晚朝簪如可釋
 舊遊何處不徜徉

太平寺 在縣南四十里宋乾德元年僧德浩建太宗

時賜額天聖四年再建佛殿正德志 在禮賢卽故縣

址也汪浩志

宋韓駒太平寺詩沙岸殘春雨茅檐古鎮官一時花帶淚萬里客憑欄日暖薔薇重樓高燕子寒惜無陶謝手盡力破愁端吏隱慚真隱他鄉憶故鄉梨花春寂寞柳絮書飛揚羸馬戀青草行人畏夕陽山千里遠不抵客愁長舊志二詩載天啟江山縣志愁端誤作愁顏出韻瀛奎律髓載第一首係陳簡齋詠雨詩今姑存考

法藏寺

在縣東南五十里唐貞觀三年建明嘉靖二

十三年重建

府志

卽插山寺

注浩志

宋柴元彪和悅嘯雲雙插法藏寺額詩我來叩角二峯前此寺應知五百年草木尚涵唐雨露鐘魚猶鎮宋山川世情蒼狗浮雲外客思孤鴻落日邊閒拂舊題追往事我顛僧鬢兩皤然

普明寺

在縣南十五里宋淳祐二年建明宏治間重

建

府志

在清湖

汪浩志

按寺今圯有羅漢松一株尚存明時物也

宋楊萬里普明寺見梅詩城中忙失探梅期初見僧窗一兩枝猶喜相看那恨晚故應更好半開時今冬不雪何關事作伴孤芳却欠伊月落山空正幽獨慰存無酒且新詩明杜庠普明寺詩軟紅塵裏倦閒行尋向禪房適宦情詩句偶從眠處得離愁不記客中生池邊鶴影隨僧影牆外灘聲雜磬聲怪底隔花蟬噪午驚回清夢不會成成肇璋普明寺詩寒山多秀色濕翠滿禪關霜竹疏猶墜林鳥暝漸還風多黃葉聚僧老白雲閒向曉復行邁此情流水間國朝劉佳普明寺詩古松盤蒼虬蔭此山門翠入門慘積陰慄然警人意頽梁蝙蝠棲敗壁莓苔漬殘僧擁破衲貌與秋山悴細昔東溪翁聚講實茲地司寇亦歸來林下抗高議宗派衍姚江良知闡其秘當時高第生裙屐此間萃曩哲既湮淪名藍亦凋替嗣響今何人仰止發深慨

江郎寺

在縣南五十里宋天禧二年建

府志

江郎系志

卷之五 秩祀

寺觀

六

山汪浩志

天心寺 縣南六十里建於唐末宋政和五年賜額元

重建天啟志

國朝毛元坤天心寺詩為愛祇園好方春得得尋山門開
樹杪客路入天心煙點千峯小花藏萬竹深脫然空
世慮靜坐聽鐘音 峯多紅日障徑小白雲停一葉
蓮開院四圍竹鎖亭山童欣問字野衲愛談經茶罷
倚門望前
村數點青

白巖寺 在長臺晉天福中建宋慶曆三年賜額元至

正中重建天啟志

羅漢寺即石門寺 縣東南六十里吳越時賜額後以對羅

漢洞改今名宋太平興國間重建天啟志

宋朱松石門寺詩橘刺藤梢習客衣直緣微祿得奔
馳懸知我老歸田味只似登山困睡時 行穿蒼麓
瞰平岡踏破青鞋到上方城市紛紛足機 穿却從山
路得康莊 林栖相喚出幽谷我亦欲起天未明枕
中泱泱響山溜一似荒城長短更 真功那復歎蒸
沙靜笑饑腸日夜譁老禍不須供茗粥朝餐吾已辦
丹霞 葛長庚午飯羅漢寺詩林間一徑似驚蛇中
有禪關隱紫霞烟鎖蒼松遮寺額風搖翠竹撼簷牙
客來寂寞盤香穗飯罷從容淪茗花
到此徘徊歸去晚夕陽掛樹一聲鴉

西禪寺 縣南二十五里吳越時建今廢天啟志

濯錦寺 縣南七十里宋建隆二年賜額元泰定七年

重建天啟志 在荷澤邊

國朝康熙十二年重建同治三年重新

感恩寺 縣南六十里宋建隆二年建明萬曆壬子重

建今改勅福天啟志

延齡寺 在鎮安舊名資壽宋祥符二年賜額天啟志

天福寺 縣南六十里宋祥符二年建天啟志

吉祥寺 縣東南三十五里宋祥符三年建天啟志

資福寺 縣南五十里宋天禧二年建天啟志

聖仙寺 縣南一百二十里宋慶曆六年建天啟志

麓山寺 在平坦宋熙甯二年建後廢明萬曆間重建

天啟志

龍泉寺 在雪村宋元祐二年重建殿前有井泉水湧

出故名天啟志

南安寺 在張村秀峯下宋宣和三年賜額元至元甲

申重建明萬曆丁未燬己酉復建天啟志

覺林寺 在嘉湖宋紹興元年建天啟志

覆螺寺 在二十一都梅溪宋乾道七年建零禱立應

天啟志

福祿寺 縣西四十里宋嘉定三年賜額元泰定間重

建天啟志

石龍寺 縣南六十里元大德九年建天啟志

宋朱松宿石龍寺詩觸處為家底事歸浮生南北未忘機道人身是南枝鵲更盡秋宵一再飛

梅林寺 在梅林元至治二十年重建天啟志

廣慧寺 在百祐元至正十年建傑峯祖師主此俗名

接遞寺 天啟志 東溪文集作接待寺 宋成志

明徐霽重建接待寺碑記接待北距平坦南抵縣鋪上司按臨吾邑必暫憩焉更行衣肅僚屬左右相首茲鞞羅列郊迎於茲其竣事還亦如之故寺名接待寺產皆民間喜捨近僧盡租典富家殿宇化為荒榛大府周公以事抵邑憩息於此劉尹即啟告之遂命侯為之區處侯乃召僧惠亮者住持此寺按諸簿籍令諸佃戶沿坵履畝同收租而舊為富室有者漸歸之寺茲寺之不絕皆侯力也余昔與呂司訓廷獻者館茲十載禪床風雨隴月梵宮研磨標竊發軔於茲踴躍稱忱其能已乎是宜解驂以惠舊館鐫石以頌侯功也

福慧寺 在寶成寺東明萬厯間邑人徐伯美建住持

智甯開戒壇飯四方行脚 天啟志

天靈寺 在東嶽岡地僻多盜明萬厯七年知縣易倣

之召僧性德剏建知縣蔣光彥改名瑞曇寺今廢 汪浩志

瀟巖寺 即霄巖寺 在彭村明邑人周重榮建 汪浩志

國朝嘉慶元年里人周允達重建

劉侃霄巖寺詩雙峯拔空起石壁危且峭半腰劃然開煙淨停斜照上巖為吟舍下巖綴古廟禪扉懸蒼翠佛龕寄深窾巖際但板簷僧樓尤奇妙仰首石屋間平廣無突窾山色三面來危亭扼其要風雨擁遠碧據枕足瞻眺是處可棲身安用狎漁釣欲訂同心人來此發清嘯

國泰寺 在峽口明邑人王克常建 汪浩志 梁武天監

五年建唐顯慶元年賜額明成宏間王克綱克常重

建見宏治八年三山謝琚重建國泰寺記宋成綬志

古宏寺 在峽口又有古宏院汪浩志 古宏亦作古虹

宋淳熙中建明洪武初僧一漚重建宣德間重新正

德十二年邑人曹瑄重建古虹禪院有碑記宋成綬志

國朝劉侃古虹寺卧佛詩不豎天龍指不面菩提壁不拈世尊花不飛誌公錫四大作禪床偃卧萬緣寂是豈嫌煩惱遊心向空閒不然開覺路了義自可析豈佛亦惜懂長睡不知喫惜少摩登女橫陳驗所愿我來惜無人庭松翠欲滴悟得定生慧歸向枕頭覓

相亭寺 在廿八都王克常建汪浩志

凌雲寺 在官溪汪浩志

松山寺 在縣南八十里汪浩志

三山寺 在三十四都三山之巔四方祈嗣者甚眾汪浩志

縣南七十里三十二都舊志三十 乾隆四十三

年里人重建咸豐八年燬同治五年重建

大寺 在百花巖宋成綬志 徐霞客遊記百花巖環轉而

左則為裡山庵由庵越高岡兩重轉下山之陽則大寺也石痕竹影白花巖正得其具體而峯巒環列此

真獨勝

西興寺 在縣北二十五里大陳童家地明嘉靖六年

東里人汪徐二姓建同治十二年重修

國朝汪日丙西興寺詩古刹西興傍碧山盤紆曲徑步行艱煙霏寶鼎香初爇月照柴扉夜未關楊柳千條圍

似幄雲峯四面繞如環更看空翠搖庭際時有幽禽自往還

東興寺 在縣北二十五里大陳東村地明天啟間里

人汪徐二姓建今廢

國朝汪日丙東興寺詩舊日樓臺渺似煙閒尋古寺感流連卽看梵宇多興替始悟滄桑有變遷廟貌惟餘芳草地鐘聲罷聽夕陽天朱堯碧瓦今安在古蹟猶將片石傳

石雲寺 在長臺奇氣樓左康熙六十年本里柴宏道

裔孫建

金華寺 在縣西五十里佛堂村明成化二年建

國朝道光二年里人捐修

潭頭山寺 在縣西二十五里賀村庄潭頭山寺前有

石橋里人捐建

白雲寺 在祝禮鎮小靈山宋嘉定十一年徐士甯建

今圯

天竺寺 在縣南小竿嶺同治十年里人建

道堂寺 在道堂里人姜淑彬建

清宏寺 在縣西潭源宋時建

紫微觀 舊名紫微道院縣西南三里元皇慶二年隱

士璩可道建舊志可道江山尉流寓江山明洪武間設道會司以

徐安道請立爲叢林正德成化間重建汪浩

明間鐸紫微觀贈璩道士詩地偏無物不堪憐奇石山前小洞天萬樹松風生夏簟一犁芝雨到春田城

中車馬誰曾息方外烟霞我暫便聞道長生真有訣
未知何處訪期佺紫微深處有仙臺不為尋幽特
地來半月朱幡重按部千年元鶴正飛回山頭閣雨
居常潤柳眼窺春取次開却被巖栖瓌道士殷勤留
我一

街杯

國朝毛大鵬紫微觀詩小築存微尚蕭然背碧岑雲流金
闕迴花覆玉壇深白髮空塵想丹砂養道心斯人晞
髮處誰復見遺簪

鷄鳴觀 在西山嶺後縣尹徐仲建

天啟志 舊志徐仲元縣尹見職官

汪浩志作明知縣吳仲

紫極宮 在縣南五十里建置未詳朱志汪志俱缺宋成

志綴

國朝宋晟紫極宮詩石磴幽苔客到希元宮秋霽敞朱扉
龍蛇有影懸青壁虎豹無聲守翠微玉笥塵埋金笈

冷碧壇松老白雲飛步虛杳杳歸何處坐看諸峯斂夕霏

崇真宮 縣北二十里宋宣和初建汪浩志

泰山行宮 在二十一都泰陽山邑人祝黃周二姓募

建天啟志

國朝嘉慶十七年秀峯黃姓重修黃文楷有四銅佛記同

治元年燬於兵燹三年秀峯紳士重建

獨龍殿 在周村明程相建汪浩志

溪西殿 在秀峯西溪之濱雲禱立應汪浩志

大仙殿 在長臺汪浩志

長安殿 在長臺邑人柴隆三建汪浩志

觀音殿 在縣西南二十里湖川大賢坂康熙年間建
佛座下有石筍一枝

神農殿 在縣城海會寺大殿左乾隆五十三年藥業
捐建

三官殿 一在縣西五里道光年間邑人何瑞梓建
一在縣東五十里秀峯明邑人周公元等建後燬

國朝乾隆癸巳年總戎黃大謀捐建里人輔之復圯同治
九年里人重建

高嶺殿 在二十五都里人捐建
元壇殿 在上王康熙年間九村公建

臨水祖殿 在縣西南三十五里三十八都石牌山元
至大年建山下有甘泉湧出四時不竭

龍津殿 在縣東二十七都龍津巖內奉五嶽神旁有
大佛殿

五穀神殿 在嘉湖明萬曆四十二年里人姜三復建
寶華庵 縣南二十里宋熙甯元年建元至正元年重

建天啟志

妙濟庵 縣南八十里宋紹興三年建端平元年重建
汪浩志

永福庵 在長臺琉璃山宋端平間建明萬曆間重建

祈禱俱應 天啟志

國朝咸豐八年燬於兵燹同治六年重建

日連庵 在步鰲山宋嘉熙二年建明正德三年邑人

王蒙重建 天啟志

國朝乾隆六十年移建於正學書院之右咸豐八年燬於

兵燹

明蔡天祐同人遊目連庵詩天外奇峯畫不成登臨
何意屬鷄盟十年樽酒常相憶一見情親況此行近
市平林烟乍暝遠村落日水微明星河徙倚空惆悵
萬里雲山接鳳城 田賦目連庵詩石古洞亦遷雪
消雲欲蒸山門不
須閉遮莫夜歸僧

福慶庵 縣西南二十里宋淳祐二年建 天啟志

白水庵 在峽口宋咸淳間建 天啟志 在鳳林道院山

姜瓚晚年講學處門外有井水白如乳故名

明方太古白水庵詩閉門聽松竹恍然如雨來起視
夜何其斗轉山之隈清燈照佛屋共子歌徘徊歌罷
笑相慶今
夜藏崔嵬

松居庵 在清湖元大德六年建今圯 天啟志

國朝蔣志澄松居庵詩地僻香臺靜松聲日夜聞林深初
遇雨岫曲半藏雲跌坐閒花落經行細草分寂寥無
客至聽鼠自為羣 方煌過松居庵和宋西椒詩僧
茅雲脇裏曲院講堂開徑僻樵歌出天空鶴唳來談
經揮麈尾問字傍蓮臺坐久松濤滿清詩為爾催
劉佳松居庵詩透迤遵平岡香界露軒爽悄悄巖扉
烏冷洽疏磬響流水周階除毛髮散清朗經房
嘉樹陰齋竈炊烟上古佛淡無言冲襟獲新賞

積慶庵 在良塢元大德六年建 天啟志

江郎庵 在江郎山下元皇慶元年建天啟志

國朝咸豐八年燬同治三年里人王應麟等重建

孝思庵 在棠峯元皇慶元年建天啟志

惠澤庵 在縣東南二十七都卽吳佛寺元至正元年

建

寶渡庵 在七都元至正三年建天啟志

慈雲庵 在西山後元至正九年建宋周伯祥廬墓處

天啟志

虹橋庵 縣南七十里明洪武元年建天啟志

秀峯庵 縣東南五十里明正德十五年里人周瑀王

梓三等建左有文昌祠右有觀音堂汪浩志

覺海庵 在長臺明萬厯間建天啟志按乾隆年朱潮

國朝柴大經覺海庵詩春來古刹又閒遊拄杖踏梯更上樓牆後青山三面峙門前綠水一灣流晨鐘欲覺應深省苦海無邊合掉頭久已學為農圃客好隨野老事西疇

驛潭庵 在二十七都茶園明萬厯間建天啟志

迎福庵 在保安橋明萬厯間邑人璩一桂璩安建守

道薛夢雷捐置田租四十餘石令道人守之天啟志

萬竹庵 在航埠山明萬厯間建汪浩志

國朝王奇孺萬竹庵觀梅詩南枝含蕊已知春萬竹山前把酒頻留得江村消息好來朝尚有探梅人王嘉奇和詩朝來抱得甕頭春醉倚南枝索句頻萼綠未花先弄色無香亦自傲詩人何善久萬竹庵詩攢

峯峭壁枕江流竟日狂歌醉裏遊忽憶去年梅似雪
衝寒共渡鹿溪頭王錫瓊萬竹庵詩古剎臨波何
代傳沿山一帶接平川萬竿修竹疑無路幾曲清泉
別有天老樹邀雲埋古屋征帆入暮截寒烟歸途已
值斜陽影又向
林間待月圓

碧霞庵 在航埠山明萬曆五年邑人毛文興建捐租

二十石令僧奉香火天啟志

心航庵 在清湖因山曲折幽徑逶迤有仙壇為乩仙

之所後有閣臨池旁一徑以達陸舫最上為聽松園

瓢林木掩映遠眺數里歸帆落照儼如圖畫明邑人

毛應思建汪浩志 卽紫微庵又名文石書院

明許友團瓢詩秋盡千山思不羣穿林黃葉一溪分
睡餘散策尋迂步滿徑松聲共白雲

國朝林杭學題心航詩人道風波險何如坐此航古今收

歲月天地真滄桑秋老平湖白春深眾壑蒼桃源休

更問到處有漁郎張德純過心航東汪東瀾寅杖

詩市喧初息處野色乍開時豈意見叩壑真堪託杖

藜就均營閣穩據脊造航奇只慮隨荒落邦君尙未

知楊紹霆心航庵詩普濟生靈願莫償如何山亦

號心航大書有榜神仙在空閣無名土木荒近麓江

帆衝雨雪連阡村落下牛羊蒼松化盡成龍去何處

團瓢挂夕陽劉佳紫微庵詩紺宇闢巖腰林霏點

將夕貪乘陰壑涼鏡造真仙宅白雲流涓涓雙泚港

一碧映茲冰雪胸空明相與射往者控鶴人于焉漱

靈液偶留文字蹤終滅去來蹟逝矣珠川老題句紛

留壁三復真誥篇塵鞅何時釋

龍泉庵 在峽口明邑人徐伯美建天啟志
覆螺庵 在尖巖明邑人朱邦偉建天啟志
咸豐十一年燬同治九年重修

青蓮庵 在縣城明邑人周復陽建今廢 汪浩志

廣福庵 在南門明邑人徐顯榮顯昂全建 天敬志

白蓮庵 在長臺明邑人周復陽建 汪浩志

霄巖庵 在江郎山庠生徐廷言重建 天敬志

昭坑庵 在二十七都程謙重修 天敬志

三品庵 在石門里人趙海建 天敬志

普濟庵 在通和門外明邑人王士成募建 天敬志

鎮福庵 卽西關明邑人毛氏創建

國朝乾隆三十九年重修 汪浩志 嘉慶十一年重修成豐八年燬於兵燹

圓通庵 在三卿口王克常建 天敬志

天雨庵 在仙霞嶺上建自宋代

國朝康熙十七年燬總督李之芳重建 浙江通志

李之芳天雨庵碑記仙霞閩浙之衝連峯疊嶂不可紀極嶺之巔有關關下則天雨庵在焉前數年寇氛滋蔓設伏搗巢纖厥巨魁嚴斥堠置戍守俯瞰天雨庵表裏若唇齒迄今門庭晏如四方至者必停車庵下禮佛而去歲丁巳不戒於火僧正龍亟以興復為請越明年余捐貲為倡於是藩司守令各輸金以濟其役而浙閩士庶欣助恐後鳩工庀材葺而新之規模宏敞落成請記於余余惟神舉與區必藉神靈作鎮以肅民之觀聽庵之肇造始於宋長翥宏騫俯壓山川之氣已五百餘歲而聽其燬諸已乎今者椽題輪奐有嚴有翼其君子憑軾而臨如入候館其小人擔簦以從如依廬舍廟貌告虔神人胥悅凡道出茲嶺瞻依靈爽者當思徒御不驚從此為良民善士沐浴教化以歌詠太平其亦可矣是為記 舊志此記

載李文襄公集省志作林瑯撰

柴圻宿天雨庵詩仙人鼎火與霞齊霞散仙飛鳥亂啼半嶺雲收方見寺一亭日出未鳴雞窗中俯瞰越山盡天際遙觀閩樹低為慕東林尋勝地攜筇直到夕陽西晚宿仙霞禪定時層巒積翠欲侵肌星河瀉影池心落樓殿凌空雲脚垂亭竹有詩和月玩山花無主任僧移曉來策蹇關前過回首靈源迥不迷劉侃宿天雨庵詩偶攜吟策赴招提前勞關頭落照低閩海未窮千里目禪窩暫借一床棲虎饑第候深宵出蟲苦能從高處啼擬向西方參大意松龕夜半已聞雞

兆麟庵 在秀峯北山之谷林木陰翳泉石頗佳 汪浩志

松溪庵 在長臺 汪浩志

白雲庵 在白水嶺僧性大募建 天啟志

采趙抃白雲庵詩紅塵無跡到山家留待詩人大筆誇坐石與僧談翠竹開樽邀客醉榴花鷗隨釣叟孤

舟遠牛載村童一笛斜占盡人間瀟灑地清風明月有誰遮 柴隨亨白雲庵詩散策入禪扉愁城酒解圍泥黃肥客屨雲淡護僧衣心事溪相照吟情雨帶歸未盟泉石隱林鶴背人飛

如是庵 在南青 汪浩志

如在庵 在縣南四十里 天啟志

祝聖庵 在峽口 天啟志

瑞雲庵 在縣城塘頭巷 汪浩志 康熙間貞女柴氏瑞

雲舊宅後人建庵即用其名并刻像供庵內咸豐八年燬於兵燹同治九年節婦王林氏募捐重建

瑞馥庵 在上埠頭 汪浩志

裏山庵 在百花巖 宋成綏志

疊石庵

在淨蓋山

宋成綬志

庵俱見徐霞客遊記

潮音庵

在清湖

宋成綬志

然明閩游詩記

明汪汝謙潮音庵詩乍聽清湖風樹林恍如天半到

潮音飛霞片片清如許漱石冷冷可濯襟雲結為

龍樹結庵巉巖曲突坐成三憑虛

廣福庵

在蘇嶺乾隆三十四年浙閩總督崔公應階

捐金知縣宋成綬倡助重新

宋成綬志

咸豐八年燬於

兵燹同治七年住持僧募建後殿及旁屋

宋成綬蘇嶺廣福庵記須江南去百里為仙霞近東
南曰蘇嶺地饒茶筍林谷幽邃有精舍曰廣福舊為
佛徒焚修之所歲久圯廢制府崔公捐金是年新復
倡眾庶為之助益拓其制遂煥殊觀軒輶屬行李
織途茲焉遊憩極眺聽之娛焉夫須江路衝孔仙
霞地據雄隘慨想百年以前荷戟乘障屹然巨防連

峯疊嶺合形輔勢凡夫巖石之崔嵬雲木之森聳凜
乎不可迫視雖有精藍名刹亦復化為烟莽榛墟矣
國家海宇清奠游氛甯息履天險如康衢向之怵於登
陟者今且于于得得過而流連心賞而不能去亦足
以見太平盛世之樂今昔之不同非無自己也因礪石
記之以告後者是役也自己丑迄辛卯三載迺竣終
始經營者僧道義

國朝莊培因廣福庵詩山寺足松竹茅齋清且幽眾峯遙

過雨一院乍疑秋鳥語林間靜泉聲雲外流重來成

話舊結夏小淹留商文超廣福庵詩雲薄開青嶠

花宮未寂寥僧居深院靜梵向遠林飄幾得依蓮社

方期種藥苗蕪筠吾屢過已愛影蕭蕭宋珪廣福

庵詩江郎一面藉蘇嶺萬竿青雲路初緣磴淙聲已

建硯山僧諳舊雨使者闕流星壁上吹壚句登臨記

此經螺髻鬟烟黑松欵插嶂青石濡防滑砌珠細

未瑋硯舊約懷聽雨新恩暫聚星重來試嶺路桑下

早三經雪積千竿玉烟開一抹青小坡名附嶺新

現溜穿硯字跡驚分雁參長竟隔星無生誰解結三

復首楞經王紹蘭和朱珪詩古屋如窳黑禪燈似

豆青舊題塵滿紙老淚雨傾硯石悟三生電人懷二

使星叢殘數行字恍讀壁中經 弟子頭新白吾師
眼舊青短材椽取笛險韻水翻旣 闕補初三月匡沉
第六星山僧勤保護莫作換鶯經
鄭祖琛和韻詩大有鬚蘇韻風篁不斷青遺詩僧補
壁老淚雨翻旣弟子雙蓬髻名山兩使星百年喬木
感豈獨為傳經

護福庵 在下睦雍正八年里人陸應茂建

清福庵 在梧峯里人吳翼亨建

鎮湖庵 在凝湖明萬厯年間建內有毛鐵硯先生祠

靜福庵 在錦川里人王茂一建咸豐年燬同治十一

年里人重建

迴龍庵 在錦川水口里人王茂一建咸豐年燬同治

九年里人重建

祝慶庵 在縣南八十里康熙二十三年鄭光儀建後

圯咸豐七年光儀裔孫重建

善會堂 縣東南三十里宋淳熙元年建女冠毛妙通

焚修於此 汪浩志 舊志天啟
志作會善堂

華山堂 在華山頭宋咸淳二年建 天啟志

圓明堂 縣東南三十里元泰定二年建 天啟志

靈寶經堂 縣東城內元延祐七年邑人鄭氏重建內

有來鶴亭 汪浩志

明方太古來鶴亭詩 杳易來來鶴亭空鶴不來江流
白練帶山色紫灰堆靈境誰為主長松花自開倚闌
成一笑何地不塵埃

普濟經堂

在南門外明邑人周三宗建

汪浩志

鹿溪院

在鹿溪元皇慶癸丑建明萬曆間改建航埠

山天啟志

明徐慥鹿溪橋院詩兩岸青山曲趁溪倚山僧屋傍高低一雙鳥鬼謝朱浮沈食無數黃公來去啼花徑暗香風透遠稻田新綠雨催齊老僧正說天台事水自東流日自西

寶覺院

即妙蓮洲

明萬曆二十年邑人鄭朝登建

天啟志

昭明橋院

在石門下明程澤王志等建

汪浩志

煙蘿道院

在經堂側

汪浩志天啟志

舊志按

國朝鄭一昌煙蘿道院贈陳道士詩知君非為買山誇求道心堅攬物華夜半無人同步斗朝來何地獨餐霞雨過細草沾衣濕舟入長溪傍岸斜寂寂自開金竈火不須相見話桑麻

大敦道院

縣西二十里邑人蔣鐘建

汪浩志

文昌閣

一在廣慧寺左明萬曆間知縣易做之建

天啟

志

一在石門延齡橋同治九年里人捐貲重建

一在錦川同治十年里人建

一在嘉湖市中新塘

沿美淑甯建

觀音閣

一在嘉湖市中

汪浩志

一在清湖小江郎

宋成

志

國朝孫治小江郎觀音閣詩凌空大士閣江上小江郎溪水虛涵碧山村野燒黃雲停閉梵宇魚樂有濠梁跋涉風塵內吾衰意楚狂

水星閣

在郎峯嘉慶九年周姓建

必... 卷之... 三

Table with 12 columns and 10 rows of text. The text is arranged in vertical columns, reading from right to left. The columns contain various characters, some of which are faint and difficult to decipher. The table is enclosed in a double-line border.

